



Diahuebs 18 Februari 2016 -Edicion-10 Vol.19530 Sta.Cruz #110
Tel: 585-9500 Fax:585-0951 - E-mail: solodipueblo@gmail.com

1.50

URATACA CENTER

Special di awe:

Carne Mechada, Aroz,
Boonchi, Banana

Afl. 10.00

(di 12 pa 3pm)

Tel: 585-5212



URATACA CENTER

Best Pizza

Den caso di proyecto di dump:

HUEZ SCHOENMAKER A DESTROSA BENNY SEVINGER


Benny a desgracia e proyecto y a malversa 28 miyon florin di pueblo



Trabao di ekipo entre
Polis y Guarda Costa

**Baho mundo di
droga a haya
otro sla duro**

Tripulantenan a
pasa di victima pa
sospechoso!



**GOBIERNO DI
AVP A BOYCOTIA
E PROYECTO Y
ASINA A DESTRUI
PROPIEDAD DI
PUEBLO**

**Kijkdag pa tur alumno di 6e klas a
cuminsa na Colegio Arubano**



**Sospechoso di atraco ta
den man di husticia**



Brandweer a bay RBC Sasaki pa alarma di candela



Diarazon merdia Brandweer a sali pa RBC Bank situa na Sasaki pa motibo cu alarma a bay on! Ta asina cu na e di dos piso alarma di candela a bay on y tambe nan tabata haya holo di algo kima.

Brandweer a yega y mesora bay controla hunto

cu un representante di e banco. Ni huma y ni candela a wordo detecta. Conclusion tabata cu lo por ta trata di e ballast di un luz cu lo a kima of keinta. A conseha esnan responsabel pa contact nan compania cu ta responsabel pa e coriente di e edificio.

Yiu ta haci fastioso ora e no a haya placa

Dialuna Central a dirigi patruya na un cas na Catiri, pa un yiu rebelde. A papia cu e homber T., kende a declara cu su yiu homber, e conocido IT, a bin cas, a drenta paden y a pidi pa placa. Ora cu e mayornan no a dun'e placa, el' a bira hopi fastioso y den su rabia el' a kibra un baki di mata.

E tata tabata kier pa polis un biaha mas papia cu e yiu y pa pone bon cla cu e no ta bon bini mas na cas. Polis a core den vecindario, pero no a top'e. A bay su cas y a bati na su porta, pero no tabata tin ningun hende na cas. Central a wordo poni na altura.

Ta busca

**cas na valor di
220 mil fl pa cumpra,
Den bario di Pos Chikito bay
pariba di brug.**

Por yama na cel.5694343

Trabao di ekipo entre Polis y Guarda Costa

Baho mundo di droga a haya otro sla duro

Tripulantenan a pasa di victima pa sospechoso!



Diamars 16 di Februari 2016 rond di 4:50pm, Guarda Costa di Caribe Hulandes a yega waf di carga na Barcadera cu 8 tripulante di un boto di fruta Venezolano, cu a zink pazuid di Aruba. Pero no a dura mucho cu e escenario completo a cambia di un accion di rescate humanitario den un investigacion penal!

For di otro instancianan hudicial a drenta informacion cu Helicopter di Guarda Costa di Caribe Hulandes, cu tabata patruyando, a mira e boto di fruta aki na 4 miya nautico pazuid di Aruba y cu a mira nan lastrando un bulto grandi nan tras. Ora e tripulantenan a mira e helicopter, nan a corta e cabuya y a nota con nan tabata corta e dek di e boto y a mira nan tirando paketenan den lama. Tabata hopi obvio cu nan a haci tur lo posibel pa zink e boto.

Polisnan Maritimo e ora a detene henter e tripulacion, cuminsando cu e capitan di inicialnan A.J.R.V, naci na Venezuela di 37 aña di edad, e "machinist" di inicialnan T.J.L.Y., naci na Venezuela

di 28 aña di edad, F.J.B.P., naci na Venezuela di 41 aña di edad, R.A.R.G., naci na Venezuela di 28 aña di edad, L.I.G., naci na Venezuela di 42 aña di edad, N.R., naci na Republica Dominicana di 40 aña di edad, E.D.G., naci na Republica Dominicana di 45 aña di edad y Y.C.V., naci na Colombia di 25 aña di edad.

E prome investigacion ta muestra cu algun dia pasa e boto a sali for di Punto Fiho, Venezuela cu intencion pa pisca cerca di Aruba. Pero, autoridadnan Policial ta sospecha, a base di e nacionalidadnan abordo y e forma con nan tabata bisti, cu e cargacion di droga tabata destina pa Republica Dominicana.

Na tur, Polisnan a conta no menos di 324 pakete di un kilo di cocaina. Asina mes awe Polisnan hunto

cu Guarda Costa di Caribe Hulandes a patruya den e area buscando e boto cu a zink y pa mira si por tin mas paki di droga cu ta drief eybanda of cu lo a bay den fondo di lama.

Cu e hayazgo grandi aki, autoridadnan hudicial ta dal baho mundo un sla masha duro aki, aunke cu ta sospecha cu e lote di droga no tabata destina pa nos isla. No ta conoci ainda si e barco a sali for di Aruba y cu e droga ta precedente di nos isla of si el'a sali for di Venezuela carga y tabata rumbo pa Republica Dominicana y ora cu nan a sinti cu a gara nan, a opta pa core zink e boto. Probablemente nan lo a imagina cu asina lo no a descubri e lote di droga. Nan no a conta cu e cutter Panther a yega asina liher y a topa cu tur e pakinan di droga.

PUEBLO A HAÑA SU PEN BEK

Pa kualkier informacion
solodipueblo@gmail.com

of
☎ 585-9500

Den caso di proyecto di dump:

Huez Schoenmaker a destrosa Benny Sevinger

Benny a desgracia e proyecto y a malversa 28 miyon florin di pueblo


Den un sentencia duna pa huez siman pasa, huez Schoenmaker a laga Benny gevloer, bati, geskop, desenmascara, na suela, tur destrosa y na sanger.

E huez a bari tur e mentiranan di Benny for di mesa y a duna e compania Bouldin completamente gana. A wordo proba den Corte cu Benny a

ocasiona e boycott contra e compania Bouldin, pues un boycott planea. Na ningun momento e machine aki a dañá, pero e culpa ta na Benny cu a stop Serlimar di cumpra pieza, azeta y diesel.

Kico Benny ta bay haci awor?

Benny mester entrega su retiro awor y e mester



paga bek 28 miyon florin. Den nos proximo edicionnan nos lo splica pueblo na cent chikito riba e sentencia cu a kibra djente di Benny. El'a insulta hende muher, zwaai kotex den parlamento pa tilda MEP. Awor Benny mester percura pe haya un paar di kotex, pasobra quizas e ta util pe mes, ya cu un pleister ta mucho chikito pe bati cu el'a haya den corte!

Unda cu pueblo topa Benny, haci uso di bo derecho di manifestacion y grite pa loke e ta; Ladron y destroyer di 28 miyon florin pa capricho politico.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

LIDER DI MEP, MR. EVELYN WEVER-CROES:

MINISTER DI HUSTICIA DI ARUBA MES TA TRAPA RIBA CONSTITUCION

MINISTER ARTHUR DOWERS NO TA CONTESTA PARLAMENTARIONAN

Un tema cu fraccion di MEP a enfatiza hopi durante tratamento di presupuesto tabata na momento cu e propio Minister di Husticia mes ta trapa nos Constitucion. Si tabata un otro minister, bo por pensa cu talvez e no sa mihor, pero un minister di husticia cu e mes ta trapa Constitucion, ta algo nunca antes visto. Constitucion di un pais ta e ley mas halto y mas importante di un pais. Nos Constitucion ta stipula cu na momento cu un parlamentario haci pregunta, e minister MESTER contesta e pregunta. No solamente cu e minister mester contesta, sino cu e minister mester contesta nan den tempo razonabel. E unico excepcion ta si e informacion cu ta wordo pidi ta contra interes di

pais Aruba of di Reino. Esaki ta poni den articulo III.17 di nos Constitucion:

Artikel III.17

Elk lid van de Staten heeft het recht vragen te stellen aan de ministers en de staatssecretaris. De ministers en de staatssecretaris beantwoorden deze vragen binnen redelijke termijn, voor zover het beantwoorden daarvan niet strijdig geoordeeld kan worden met het belang van het Land of van het Koninkrijk.

Fraccion di MEP a haci Minister Dowers 71 pregunta por escrito durante tratamento di presupuesto, manera ta custumber. Tur ta preguntanan cu tin di haber cu e maneho di e varios departamentonan

den ministerio di Husticia. E minister a contesta 25 pregunta, y e demas 46 e minister a skirbi cu lo contesta nan durante e reunion publico. Pero durante e reunion publico e minister a nenga di contesta nan, argumentando prome cu e fraccion no tin interes pa scucha contesta. Lider di MEP a splica e minister cu si e personalmente no tin confianza mas den e minister, no kier meen cu e minister por keda sin contesta preguntanan tocante e ministerio.

Despues e minister a argumenta cu ya el'a contesta nan caba den pasado. Pero con e por a contesta nan si varios di nan tin di haber cu e presupuesto 2016? Cu esaki minister Dowers ta muestra di no tin respet pa su deber constitucional y



bao e circunstancianan asina, e no por keda mas como minister. E fraccion lo denuncia e violacion di Constitucion na instancianan internacional. Un minister di husticia cu ta trapa Constitucion no por keda

como minister. Fraccion di MEP no tin confianza mas den e minister aki, pa motibo cu criminalidad ta 'out of control' y e minister no ta mustra e minimo interes pa ataca criminalidad cu man duro. Tur integrante di e fraccion geel a indica caba cu nan no ta considera sr. Dowers minister mas y lo no dirigi nan mes na dje mas tampoco, sino lo dirigi nan mes na minister presidente di e pais aki. "Mi ta urgi e minister presidente di pais Aruba pa cambia e minister di husticia, apunta un otro persona den nan propio seno y si e no por haya ningun cualifica, busca un otro vak minister, pasobra Aruba no por sigui asina", lider di MEP, Evelyn Wever-Croes a declara.

Cuerpo Especial Arubano a cambia di number di telefon



Cuerpo Especial Arubano (C.E.A.) situa na Schotlandstraat 45-F ta informa pueblo di Aruba y su clientela en particular cu entrante awe nan number di telefon a cambia. E number 583-0845 no ta den servicio mas, esaki a

bira awor 528-4500. Empleadonan di C.E.A. mester usa e number 528-4520 pa avisa den caso di maleza. C.E.A. ta spera cu pueblo di Aruba y empleado tuma bon nota di e cambio.

DonaClon pa Lunah


Recaudacion di fondo door di Fundacion Basilio Kelly



Ora cu fundadonan di Fundacion Basilio Kelly a tende cu Lunah tin problema y e tin cu bay afor pa su salud, nan a haci un excepcion y a ofrece e cuenta bancario di nan fundacion pa di e forma aki brinda un salida na e famia di Lunah, cu den un tempo masha cortico mester a busca un manera pa por yega na fondonan pa por logra hiba Lunah afor pa un second opinion y su operacion. Desde e momento cu a tuma e decision di yuda Lunah yega na e fondonan pa e por logra bay afor, a sali flyers y comunicadonan ariba social media cu e nr. di cuenta ariba dje pa asina un y tur cu kier a aporta na e caso por a

haci esaki libremente.

Den nomber di Fundacion Basilio Kelly y famia di Lunah, nos kier bisa DANKI na cada un di boso cu a haci un donacion pa Lunah ariba e cuenta bancario di Fundacion Basilio Kelly. Sin boso aporte lo no a logra e suma grandi di Afl 15.602,58. Nos ta masha contento di e ayudo na Lunah y su famia den e momentonan dificil aki. Un vez mas danki di curazon na un y tur! Fundacion Basilio Kelly ta desea tur cos bon pa Lunah y hopi forza y perseverancia na su mayornan pa sigui cu e lucha. Cu Dios bendicion'e y sigui cuid'e pa pronto e por tey bek aki cerca su sernan keru.



Nos kier pidi Aruba henter pa por favor tene fe y sigui resa pa Lunah. Pa mas informacion y updates di Lunah por bishita e pagina di facebook, Yuda Lunah of email na yudalunah@gmail.com

**PUEBLO A HAÑA SU
PEN BEK**

Pa kualkier informacion
solodipueblo@gmail.com
or
☎ 585-9500

WILD-CAUGHT

NORTH PACIFIC COD

PREMIUM 100%

LIGHT • CRISP • CRUNCHY

Wendy's

Coca-Cola

Facebook.com/WENDYSARUBA

Endy Croes di MEP:

Desiree tambe tabata den e “SAUCE” cu Da Sousa den e famoso “world tour” cu placa di Lotto?



Nos por a tuma nota con Desiree Croes a ataca lider di MEP na un manera masha baho mes sacando su gal pa purba tapa entradanan lucrativo y fiestamento di su casa Da Sousa. Desiree cu un yoradera mescos chilindrina acusando lider di MEP cu yen di disparate. Segun Desiree su casa Da Sousa no ta gana ni minimum loon den Lotto. Con hipocrita y sin escrupulo Bo por ta pa keda engaña un pueblo, tratando na susha lider di MEP su number? Laga nos refresca Desiree su memoria cuminsando cu e “world tour” cu casa di Desiree a haci riba custia di Lotto. Bo tambe tabata den e “SAUCE” aki cu Bo frei e tempo aya y awe bo casa Da Sousa? Puntra nos ta puntra.

Un total di 27 dia den exterior riba business trip y Lotto ta paga. Aruba-Miami/Miami-Las Vegas/Las Vegas-London/London-Roma Italia/Roma Italia-London/London-Amsterdam (bay hiba Desiree Hulanda bek?) /Amsterdam-London/London-Miami

y Miami-Aruba. Nos tin esaki documenta si Bo kier sa. Asina segun Desiree su casa Da Sousa a caba cu tur fiesta den Lotto riba custia di pueblo manera Desiree ta pretende den su articulo fofu? Casi 100 mil florin aki den un solo tiro. Desiree bin dilanti y splica pueblo si bo tambe tabata riba e viahe di gozo aki? Desiree, bo no tin berguenza di ataca lider di MEP anto cu engaño? Nos ta reta Desiree pa contradeci esaki.

Desiree ta corda 4 camara cu Lotto a cumpra y instala na casnan di miembronan di Bestuur cual a costa Afl.80 mil florin? Como parlamentario cu ta traha ley, Bo no ta haya esaki ta contra ley y alavez un abuso mientras deportistanan ta den solo ta bende rifa Bo casa ta atraca Lotto na e manera aki? Desiree por informa pueblo si su casa ainda ta of tabata huur espacio den su kantoer di abogado na Lotto como kantoeruitme? Esaki ta normal? Cuanto e tabata strica aki? Desiree por informa pueblo cuanto placa su casa a cobra Lotto na juridisch advies

World Tour Benvinda de Sousa Croes

27 dia

| Date | Flight | Carrier | Destination | Code |
|-----------------|---------|-------------------|---------------------|--------|
| 11-Nov-10 | AA 1022 | American Airlines | Aruba-Miami | BVYQUB |
| 14-Nov-10 | AA 2530 | American Airlines | Miami-Las Vegas | BVYQUB |
| 19-Nov-10 | BA 0274 | British Airways | Las Vegas -London | ZGMRYC |
| 20-Nov-10 | BA 0546 | British Airways | London-Roma Italia | ZGMRYC |
| 27-Nov-10 | BA 0549 | British Airways | Roma Italia- London | ZGMRYC |
| 27-Nov-10 | BA 0446 | British Airways | London-Amsterdam | ZGMRYC |
| 7-Dec-10 | BA 0423 | British Airways | Amsterdam-London | ZGMRYC |
| 7-Dec-10 | BA 0207 | British Airways | London-Miami | ZGMRYC |
| 7-Dec-10 | AA 1348 | American Airlines | Miami-Aruba | BVYQUB |
| Arnold Le Grand | | | Ronald v/d Berg | |
| 14-Nov-10 | AA 1772 | American Airlines | Aruba-Miami | BZZJNC |
| 14-Nov-10 | AA 2530 | American Airlines | Miami-Las Vegas | BZZJNC |
| 19-Nov-10 | AA 1844 | American Airlines | Las Vegas-Miami | BZZJNC |
| 22-Nov-10 | AA 1348 | American Airlines | Miami-Aruba | BZZJNC |

desde Januari 2010? Tur esaki ta cay pafor di e minimum loon cu Bo casa ta cobra? Nos lo bin pa e minimum loon aki bek anto cu prueba. Cambiando di Lotto, gastonan total den presupuesto 2016 pa paga abogadoan amigo di AVP entre nan Da Sousa tambe a subi di 13 milyon den 2015 pa 15 milyon den presupuesto 2016.

Ainda Desiree kier mantene su actitud salvahe, acusando lider di MEP y su tata riba cobranzanan di abogado pa trabaonan eherce? Si bo ta kere cu tin algo malo den cualkier cobranza anto como parlamentario bay OM entrega keho y stop cu Bo shisheria. Desiree awor kier tapa maldadnan di su casa cu un dede. Laga ta bon cla cu ora

Desiree mishi cu lider di MEP, por spera reaccion di inmediato pa corigir su engaño y algun biaha mi lo baha na su nivel pa e por comprende. Bo no por ta papia bobedad y kere cu esaki lo pasa sin mas. Lider di MEP ta integro y hamas Bo por compara Bo mes cu Evelyn Wever - Croes.

Un Mainta Diferente
Lyonel Dirksz

Top 95

Tur dialuna pa dibierna di 9or di mainta pa 12or

Un Mainta Diferente

Pa alegra bo mainta cu motivacion, salud, noticia, farandula, humor, musica, hopi premio y topiconan intresante.

Ex- minister Booshi Wever, mas siete persona hende rescata riba lama pazuid di Aruba



Diamars den careda di 5'or atardi e conocido politico, ex- minister Booshi Wever den awanan teritorial di Venezuela pa Aruba a confronta fayto tecnico cu su boto. Tabata tin ocho persona abordo di e boto Ki Diaaa? A-900. Sra. Booshi Wever a raporta di biaha na Aruba Ports Authority cu un di su motornan a faya. A informa APA cu e ta biniendo Aruba poco poco.

Kustwacht e momento ey tabata man yen cu diferente otro asistencia y asina den careda di 8'or anochi ora cu e boto di Booshi tabata den awanan teritorial di Aruba, 5 pa 6 miya, a manda Polis maritimo bay den e direccion menciona y asina a tow e boto cu e 8 persona abordo cu e capitan pa e beach otro banda di ex- cas di gobernador na Playa. Pa 11:45 anochi tur hende a yega tera sano y salvo. Personal di Douane tambe a presenta pa haci nan controlnan necesario. Asina pasa di 12'or di marduga a saca e boto for di awa pone riba un trailer. Despues a hib'e Barcadera caminda douane a tene un control, segun regla.

Pickup a dal riba vcar, cu turista, cu a sali su dilanti



Diarazon den oranan di merdia a sosode un accidente poco panort di Huchada na e t-weg. Patruxa di trafico a acudi na e sitio y a constata cu e turista den e auto di huur Nissan Versa a sali for di e t-weg cu consecuencia un pickup a dal basta fuerte

na su banda. Un persona tabata keha di dolor na curpa. Ambulance a presenta na e sitio pa atende cune. Tabata tin basta azeta riba caminda unda personal di DOW mester a acudi na e sitio pa basha santo.

LIDER DI MEP, MR. EVELYN WEVER-CROES:

CASO DEN CORTE TOCANTE DUMP NA PARKIETENBOS DEVASTADOR PA AVP

GOBIERNO DI AVP A BOYCOTIA E PROYECTO Y ASINA A DESTRUI PROPIEDAD DI PUEBLO

Corte siman pasa a duna un veredicto cu ta devastador pa Gobierno di Aruba tocante e proyecto di dump na Parkietenbos. 6 aña pasa, ora cu AVP a drenta den gobierno, AVP no kier a continua cu e proyecto di MEP di reciclahe di sushi na Parkietenbos y a haci tur lo posibel pa boycotia e proyecto. Den e veredicto di siman pasa Corte a pone tur culpa cu e proyecto no a funciona, riba lomba di gobierno.

Huez a elabora riba 3 pregunta: 1. Si e fluff cu e machinenan ta saca, ta toxico y e conclusion ta cu e NO ta toxico. 2. Si e machinenan no por separa sushi y e conclusion ta cu e machinenan POR separa sushi masha bon. 3. Si e machinenan no ta sirbi y e conclusion ta cu e machinenan TA sirbi. E



hecho cu nan no a funciona nunca, ta debi cu gobierno no tabata pone diesel den nan, y no tabata mantene nan. Durante e periodo di test, nan a funciona bon y despues cu gobierno a boycott e proyecto, nan a stop di funciona

CONSECUENCIA DI

VEREDICTO

E veredicto aki ta pone minister Benny Sevinger den un situacion mas dificil cu e tabata caba. E minister ta centro di un escandalo tras di otro. Casonan den Corte den cual huez a bati mahos riba su dede pa duna "geen bezwaar" pa regala tereno. Prueba

cu e minister a privilegia un amigo ora el'a baha e balor di e propiedad, djis pa e amigo paga menos erfpachtscanon. Haci negoshi cu sr. Roberto Rincon, dune mas propiedad sin screen e persona. Un simple screening via GOOGLE segun e minister ta suficiente, siendo cu ley ta exige un screening mucho mas severo den casonan asina. Riba tur e escandalonan aki awor ta bin e veredicto aki den cual huez ta bisa cu ta minister Benny Sevinger a boycotia e proyecto y asina a destrui capital di pueblo y a benta 28 milyon florin afor. Y pa esaki e minister mester wordo responsabiliza y e mester paga bek delaster un cent cu el'a horta di pueblo cu e proyecto aki.

Locual mas a resalta ta e tantísimo comentarionan cu ta straño cu gobierno a bay den e caso aki, sabiendo di antemano cu nan ta bay perde e caso. Huez a pone tur, pero tur responsabilidad bek den scochi di gobierno y a dicta cu e compania Bouldin & Lawson no a haci nada malo; cu e compania Bouldin & Lawson a cumpli cabalmente cu e contract y cu su obligacionnan, cu e fluff no ta contamina ni ta toxico y cu e machine nan pa procesa sushi tabata traha masha bon te ora gobierno a boycotia e proyecto. E unico pregunta ta keda awor ta ki dia minister Benny Sevinger ta tene honor na su mes y entrega su retiro, esey ta si en caso e sa kico kier meen e palabra 'honor'.

Gerick Croes di MEP:

Semper AVP a hiba un maneho laboral anti-hoben y Minister Croes ta co-responsabel! Part I

Ta ironico pa mira cierto expresionnan cu ta wordo tira den laira door di Minister di Labor sr. Croes, siendo cu e mes tempo cu e tabata parlamentario el'a sostiene, tolera y awor como Minister ta continua na hiba un maneho laboral anti-hoben den tur aspecto. Den un serie di comunicado nos lo bay señala diferente ehempel, asina poniendo enfasis riba e maneho negligente di e Minister aki cual den forma directo y indirecto tin consecucionan pa nos hobennan.

Otorgamento di permiso pa trabao

Den e rapport di SER publica na November 2014 nos por a constata entre añanan 2011-2013 cu e maneho cu a wordo hiba ta zowel uno anti-local y anti-hoben. Por ehempel na 2013 un total di 3504 peticion a drenta pa importa trahador y di esaki 3110 dus 88.8% a wordo otorga for di promer instante! Como Minister bo por hustifica cuanto cu bo kier awor pero splica pueblo si tanto bo ta pretende di kier baha desempleo local y bao nos hobennan pakico bo a



apoya esaki durante tur e añanan aki? E respuesta ta facil simplemente bo kier a purba crea un

bon impresion durante campananan electoral pero ora cubo tabata parlamentario/minister

bo a lubida di traha pa pueblo y e hoben. Si bo semper tabata na altura cu desempleo bao di nos hobennan tabata halto (awendia 22,8%) dicon bo no a para pa principio y halsa bo voz ora tanto trahador tabata wordo importa kitando inhustamente e oportunidad di nos hobenan cu ta caba schoolnan secundario, tin un educacion educacion profesional basico of educacion intermedio? No solamente bo a laga di desea sino cu bo a demostra di ta "puro scuma tiki chucalati"!

Recordando fecha natal di sra. Laura Simona Wernet-Paskel mihor conoci como “juffrouw Laura”

18 Februari 1911 – 8 September 1962



Laura Simona Paskel a nace dia 18 di Februari 1911, yiu muher di Petrus Nicolas Paskel (padito) y Gustina Geerman conoci como Shi Felicia. Laura a nace den e distrito di Santa Cruz y e cas di torta unda cu Laura a mira Luz di bida, esta Sjaboeroeri-11, ainda ta existi.

Laura tabata tin un ruman homber, Lorenzo Paskel cu a fayece dia 10 di Augustus 1979 y un ruman muher Hyacintha (29-12-1944). Laura, hunto cu cuater otro mucha muher, esta Chita Oduber, Sidonia Tromp, Johanna Eduardo y Leentje de Cuba, tabata bishita e zustershuis na Sivi divi unda e soeurnan tabata duna les y e idea tabata pa e mucha muherman aki bay Hulanda pa bira soeur y tambe siña pa maestra di school.

For di su infancia Laura tabata desea di bira maestra di school y cu edad masha hoben (15 años) su mayornan a percura pe por a viaha pa Hulanda pa asina continua cu e estudio pa maestra di school, cual tabata su deseo di mas grandi, cu ayudo tambe di e soeurnan di e zustershuis na Sivi divi.

Dia 18 di Mei 1926 el'a inscribi su mes na Gemeente Beesel na Hulanda, hunto cu Leentje de Cuba y bao guia di e “Zusters

Dominicanessen na Reuver, Hulanda, na año 1931 exitosamente el'a termina su estudio na “Rooms-Katholieke Bijzondere Kweek- school voor Onderwijzeressen” na Reuver y asina a obtene e diploma di “Akte van Bekwaamheid als Onderwijzeres”.

Laura a haci examen den e idiomaan Hulandes, Frances y Aleman y acerca a haal diploma pa godsdienst y pa nuttig handwerken banda di e vaknan normal manera lezen, schrijven, rekenen, geschiedenis, aardrijkskunde, natuurkunde, opvoedkunde, te hasta zingen en tekenen y tambe a haci examen den e idioma Ingles.

Na e Kweekschool na Reuver, Hulanda, Laura y Leentje tabata studia hunto cu Leentje Lowenthal cu ta di Corsow y MarLe Greux for di Sint Maarten.

Despues di a caba di studia y a haya su diploma como onderwijzeres, dia 1 di September 1931 Laura a ricibi su prome nombramento como maestra di school na Aruba y for di e tempo ey el'a cuminsa funciona como maestra di school na Aruba na e distrito di Santa Cruz. Laura a traha for di año 1931 te cu 1937 (6 años) na diferente school cu e zusternan catolico tabata dirigi tanto na Santa Cruz y tabata bai na schoolnan na Playa. a tuma algun tempo liber for di 1937 te cu 1948, despues a traha na Sint Jozef school pa un luna y a bolbe tuma un tempo liber for 1949 te cu 1952, despues a traha pa 3 luna na Filomena College na San Nicolas na año 1953 y tambe na Maria School na Santa Cruz, te na año 1954. Despues a tuma tempo liber di año 1955 unda Laura a haci su viahe pa bishita su yunan na Hulanda, y te na 1959 el'a bolbe Maria School na Santa Cruz y a renuncia definitivamente como maestra riba 31 di Juli 1960.

18 di september 1937 Laura a contrae matrimonio cu Willem Wernet for di cual matrimonio a nace 7 yiu: Alex, Edmund (Muni), Yvan, Rudy, Inca y Andre. Tur e prome 5 yunan a wordo manda Hulanda pa nan estudio y tur a resulta bon estudiante y tabata tin bon trabao. Oscar tabata tin puesto halto den gobierno, Lex a traha den Lago Oil & Transport Company, Edmund a bira



mecanico y tabata traha na Mazda Fabriek na Hulanda y na Aruba na garage di DOW. Yvan a bira musico, Rudy tabata computer programmeur. Unico yiu muher Inca a traha na seguro, hotel y tabata tin su propio negoshi. Andre, “Dechi” Wernet tambe tabatin bon puesto den gobierno y te dia di awe ta biba na e cas di Laura, situa net pabao di Peking na Sta. Cruz (Pariba di ex-huishoudschool, awor EPB).

Fuera di trabaonan como maestra di school, el'a dedica parti di su bida na trabaonan social, especialmente pa e comunidad di Sta. Cruz y gran parti tambe el'a dedica na e bida religioso catolico.

Tabata tin un grupo di hende cu tabata duna un man e tempo ey na pastoor Weenink y e frerenan Gerardus, Fredericus, Norbertus y Alexander. E grupo aki tabata consisti di APolonio Werleman, Marco Henriquez, Sylvester Vrolijk, Carlos

Vrolijk, Juchi Luidens, Capi Wever y juffrouw Ale, Meneer Raiman, Laura Wernet - Paskel, juffrouw Nanachi Vries, juffrouw Manie Croes y juffrouw Nena Vrolijk.


Tambe Laura a keda den contact cu hopi pastoor y frerenan cu e tabata conoce na Hulanda y cu despues a bira misioneronan na Africa. Indonesie y algun otro pais mas y e tabata comunica cu nan pa medio di carta. Pa su trabaonan religioso Laura a ricibi un bunita reconocimiento for di Papa di Roma, entrega na su persona dia 8 di Februari 1956. Laura su personalidad tabata uno masha kerl den su pueblo, como e tabata kler lo mihor pa su prohimo. Fuera di tur su ocupacion diariamente, e tabata dedica bastante tempo na e muchanan cu den e tempo aya cu pa un of otro motibo no por a bay school y nan tabata ricibi les gratuitamente for di Laura na su cas na Santa Cruz.

E necesidad pa su pueblo y especialmente comunidad di Santa Cruz ricibi un bon educacion a conduci'e pa acomoda den su cas familiar un biblioteca unda cu tur hende por a haci uso di e boekinan cu e tabata busca for di Hulanda, e tempo aya. Pastoornan, frerenan y soeurnan tabata miembro activo di su biblioteca, pero masha hopi otro hende mes a yega, di haci uso di e biblioteca chikito cu e tabata tin na su cas.

Pa duna apoyo na e aspecto di hende muher Laura a durf y a bira e prome dama ariba un lista politico den historia di Aruba. Ariba e lista di e partido “Union Nacionalista Arubano” UNA, na año 1949 Laura a aparece como number 5 y a ricibi 13 voto. Na año 1950 Laura a bolbe bay riba e lista di UNA bao number 3 y a haya 9 voto.

Pa motibo di masha poco apoyo brinda na e partido UNA y especialmente di banda di e hende muherman den e tempo ey Laura a dicid'i di sigui como maestra di school y cu su dedicacion na actividadnan social Religioso y a dedica tempo na bishita su yunan cu tabata studia na Hulanda. Tambe Laura a dedica su mes cu un refresheria cu su casa Weechi a tuma over y a yuda su casa cu administracion di su negoshi di bendemento drechamento di scooter di e

marca Cushman cu tabata situa patras di e refresheria Santa Martha.



Den su temponan liber Laura a logra tambe pa skirbi un boeki cu storlanan di antes di Aruba. E boeki yama “Ons Eilandje Aruba” y e boeki a keda hopi tempo perdi, ta hopi tempo despues di su morto famlanan a haya e boeki aki y a laga druk e pa e pueblo di Aruba. Door di e boeki aki hopi hende tabata kler a sa ta ken ta Laura.

Laura a fayece riba 8 di Septembber 1962 door di un maleza incurabel. Laura Wernet lo wordo recorda como e prome Dama cu a haci hopi imprecion, especialmente el'a bringa hopi pa derechonan di hende muher. E tabata un muher cristian, e tabata yuda hopi hende y e tabata un juffrouw di school cu diploma Hulandes y tabata tin briyo pa subi riba un lista politico den temponan cu tabata masha dificil pa un hende muher haci esaki. Laura a mostra cu si bo kler logra algo, bo tin cu bira activo, en vez di keda sinta y duna critica, mustrandando asina cu e no ta su caracter y determinacion.

Awendia, tin un school na Kadushi Largo cu a wordo duna e nomber di Colegio Laura Wernet Paskel, na memoria di e gran señora aki, cu ta laga atras pa nos su historia, cu mester sirbi nos como ehempel den bida. Awe 18 di Februari, nos ta recorda e di 90 aniversario di su fecha natalicio.

Gerick Croes di MEP:

Maneho laboral anti-hoben ... Part II



Manera indica den e promer parti di e articulo aki tin un cantidad di ehempel concreto cu ta indica con AVP y sr. Croes ta hibando un maneho laboral contra di nos hobennan.

Aumento di edad di pensioen

Apesar cu AVP kier keda persisti y hustifica cu a aumenta edad di pensioen na 65 pa scapa fondo no ta kita afor cu ta un decision cu no a wordo investiga den lo profundo pa analisa e efectonan pe mercado laboral. Aunke e ta importante pa señala cu nan ta contradeci nan mes pasobra den nan rapport di 2004 jama "een zeker pensioen" semper a papia di mantene edad di pensioen na 60 aña y awor a aumenta edad di pensioen cu tur su consecuencia pa e hoben. Nos hobennan mester reflexiona y cuestiona e hecho dicon AVP ta papia asina hopi pa salba e fondo di AOV pero ora toca e turno pa gobierno cumpli cu e fondo aki ta

keda sin paga 60.5 miyon cu e debe? Realidad ta cu mayoria persona cu crusa un cierto edad no ta funciona y produci (sin generalisa) mescos cu ora nan ta hoben debi na diferente factor entre otro di salud. E simpel hecho di kier forza tur hende traha te cu nan 65 aña tin efecto directo pa nos hobennan limitandonan di haya e oportunidad pa haci nan entrada riba e mercado laboral debi cu e doño di trabao tin cu keda cu su trahador te 65 aña. Si bo wak e bon no ta cumbini ni e doño di trabao (pasobra e lo kier productividad halto), ni e trahador cu probablemente a labora asina hopi aña cu e kier bai cu pensioen tampoco e hoben cu kier cuminsa traha y gana placa. Logicamente si un persona tin cu traha algun aña mas ta nifica pa e hoben cu lo tin un vacatura mas despues y esei ta haci'e un decision anti-hoben.

Cu un AVP diploma porta di cielo ta habri!

Minister Croes lamentablemente ta haci su mes responsabel mescos cu hopi den Gabinete Eman pa e cultura crea di duna trabao door cu bo tin un AVP diploma. Esaki sigur ta tristo mirando cu e ta un maneho discriminatorio y no ohbetivo. Aki ta duna ehempel cu tanto bal bo studia of no pasobra si bo ta "nos amigo" nos ta yudabo y si no bo mag keda sin trabao. Pa despues bo bin tende cu tin un cantidad di coordinador ganando sumanan astronomico siendo cu nan no ta capacita tampoco tin e opleiding necesario pa substancia cu nan merece tal salario. Dicon como hoben bo no a para pa loke ta husto y a reclama dicon e personanan aki riba payroll di gobierno tin salario halto cu yen di toelagensin cuporhustifica esaki pa e nivel di trabao y responsabilidadnan cu nan tin? Den un otro articulo nos lo sigui elabora mas extensivo riba e tema di otorgamento di permiso y e partijdiploma.

Pero no ta solamente riba e tereno laboral AVP a hiba un maneho contra di e bienestar di e hoben sino tambe ora ta trata di finanzas publico, educacion y tereno social. Loke mas ta di lamenta ta cu Minister Paul Croes como miembro a waak, sostiene esaki y awor como mandatario ainda no tin fin di para pa principio, para pa loke ta corecto y husto. Si realmente e futuro generacion ta prioridad e mester a demostra cu di berdad e ta pro- hoben y no solamente ta usa proyectonan envolviendo nos hobennan djis pa alsa su imagen como mandatario y trata na hustifica su maneho siendo cu na otro banda e ta torno e futuro di nos hobennan!

Pa via di payo, dama Venezolano a wordo benta riba caya sin su paspoort

Dialuna, pa mas of menos 1'or di merdia, e dama M. a yega na warda y informa cu el' a perde su paspoort y tabata kier un formulario cu el' a perde su paspoort. Polis na balie no a confia e asunto y a sigui puntra e dama y e berdad a sali na cla.

A bin resulta cu e homber T. a invit'e pa keda cerca dje. Despues el'a wordo saca for di cas, caminda su paspoort a wordo wanta.

T. a wordo yama pa polis pa bin warda, kende a admiti cu el'a invita M. Tambe el'a bisa cu el' a paga pa su pasashi y manda algun cien dollar pa su famia. Awor M., durante su estadia, a bin topa cu un otro homber y tabata bin cada biaha pa 4'or y mey di mainta cas. T. a bira razo y a sak'e for di su cas. Cu intermediacion, e paspoort a wordo entrega bek na M. Ambos a wordo atendi riba nan comportacion. M. a wordo bisa cu ta castigabel pa haci un keho falso.

RESULTADO DIARAZON 17 FEBRUARI DI MERDIA



Sorteo # 1420

6693


3420

7998



Sorteo # 1420

8834



Sorteo # 1420

9652

Leo

RESULTADO DIARAZON 17 FEBRUARI DI ANOCHI




Sorteo # 5801

2203

9171

3343



Sorteo # 4845

9505



Sorteo # 3604

4635

Leo

LOTTO DI DIA 01-08-09-25-28
LOTTO 5 03-08-18-23-28 J 14 G

DIARIO
4532
2007
7822

CORSOU
0717
3905
2609

SUPER 4 9444

COMISION SPERANZA PA NOS ATLETA

**"BAN UNI Y JUDA ECHI"****TORNEO DI SOFTBALL**BOU AUSPICIO DI ASB TA INVITA HENTER PUEBLO DI ARUBA PA
UN GRANDIOSO TORNEO DI**SOFTBALL****"BAN UNI Y JUDA ECHI"**

FECHA : DIAHUEBS 18 PA

DIADOMINGO 21 DI FEBRUARI 2016


AMBIENTE DEN MAN DI DJ XAVI - MIKES DISCO

DIADOMINGO ZETA BAND FOR DI 6 PM

WEGANAN AMISTOSO DEN TUR CATEGORIA



TUR FONDO CU WORDO RECAUDA LO TA PA EDMAR
"ECHI" BOEKHOUDT HUNGADOR DI SELECCION DI ARUBA
POR BAY COLOMBIA PA RECUPERA SU SALUD.
UNION TA HASI FORZA. DEPORTENAN BAN UNI Y DUNA
BO CONTRIBICION NA NOS HOBEN ATLETA.

XAVI-D**LUGAR
VELD DI
KUDAWECHA**

Awe dia 18 di Februari lo aparece den Corte di Prome Instancia



Pa 8:30 am: R.C.J.G. ta wordo acusa di maltrato cu arma riba 27 di Juli 2013. E ta wordo acusa tambe di maltrato riba 25 di Februari 2014.

Pa 9:15 am: J.D.R.d.M. ta wordo acusa di, conhuntamente cu un otro of otronan, riba 18 di Januari 2015 y/of riba 6 y 7 di Februari 2015, ladronicia di un y/of dos auto. E ta wordo acusa di ladronicia di un tas di un turista riba 26 di November 2014.

Pa 9:30 am: S.S.G. ta wordo acusa di a, intencionalmente y cu premeditacion, tuma bida di un persona riba 30 di Juni 2013, door di tire den su cabez cu un arma di candela.

Pa 10:15 am: A.P., kende ta yama su mes tambe D.B., y S., kende ta yama su mes tambe A.D., ta wordo acusa di a intencionalmente haci uso di kaarchinan di banco falso pa haci compras den tiendanan di luho den e periodo di 20 pa 24 di Oktober 2015. Nan ta wordo acusa di a haci uso di kaarchinan di identificacion Lituense falso den e mes periodo.

Pa 11:30 am: E.M.C. ta wordo acusa di falsificacion di un y/of dos verblijfsvergunning riba 19 di November 2015.

Tienda di Aruba Aloe a haya bishita di ladron

Dialuna, pa mas of menos 9'or y 15 di mainta, Central ta dirigi patruya pa Aruba Aloe situa den The Village pa un ladronicia. Eynan a papia cu e dama ZNN, kende a declara cu dicho local a wordo cera na yabi pa 11'or di anochi, diadomingo y laga intacto.

Ora cu e hacido di limpi a bin 8'or di mainta su siguiente, y habri e local, el a ripara cu e porta dilanti a wordo forza. Den un envelop cu benta di 3 dia, tabata tin un total di \$1000 cu a wordo horta for di tras di e balie. E keho a wordo tuma y departamento di recherche a bay pa e sitio pa mas investigacion. Central a wordo poni na altura.

Dyron causando trouble atrobe na cas

Dialuna, pa mas of menos 8'or y 7 di anochi, Central di Polis a manda patruya di Noord na un cas na Noord, pa e conocido Dyron F., Na e sitio a papia cu mama di Dyron, yama K., kende a declara cu riba un manera agresivo Dyron a purba di ranca e yabi di auto for di dje. E wela di Dyron a cay riba vloer door di e hechonan y a keda herida. Dyron lo a kibra e porta di cushina di e cas di su welonan. El a wordo hiba warda pa su propio seguridad y di otro. Central a wordo poni na altura.

Opendag na EPB San Nicolas



E.P.B Pariba School

Website

School

Address: Caya Jose Geerman, San Nicolas 00297 Aruba

Phone: +297 524 5800

pa siña un poco tocante entre otro; Startjaar, Comercio, Economia, Electro y Cushina.

Boso ta cordialmente invita pa bishita EPB San Nicolas awe dia 18 di Februari 2016 (diahuebs) di 8'or di mainta pa 10:30 di mainta.

E team di EPB San Nicolas ta spera boso y lo percura pa manda e relato completo pa asina e por wordo publica hunto cu boso imagennan di e Opendag.

Adhunto mi ta manda screenshots di google map di EPB San Nicolas y di e adres y number di telefon central.

Diahuebs mainta 18 di Februari 2016, EPB San Nicolas lo tin un Opendag organiza specialmente pa estudiante di school basico (y maestronan) cu lo cuminsa bishita EPB San Nicolas na aña escolar 2016-2017 y pa e studiantenan cu ainda tin duda riba nan escogencia entre Mavo y EPB.

E studiantenan tin e oportunidad pa mira cu tin posibilidad pa sigui studia

na EPB San Nicolas. Nan por mira, tur locual EPB San Nicolas tin di ofrece y con bon ekipa e school ta pa asina provee un bon preparacion di profesion basico.

EPB San Nicolas a percura pa e studiantenan di e schoolnan basico wordo transporta cu bus di nan school pa EPB San Nicolas pa asina participa den e rondleiding den diferente sector di school

Estudiante a horta celular di otro na school

Dialuna, pa mas of menos 11'or y 36 di mainta, Central ta dirigi patruya di Santa Cruz na SPO Santa Cruz pa un caso di ladronicia. Na e sitio e director a declara cu un estudiante a coy

celular di uno otro. H. a conta cu e tabata sinta banda di D. kende tabata tin su celular den su man.

Ora cu J.S. a pasa, el a coy e celular for di man di D y a cana bay. D. a

conta con JS a coy e celular. A base di esaki e hoben J.S. a wordo deteni y na warda el a keda presenta dilanti fiscal auxiliar y pasa den man di JZP pa mas investigacion.

Parlamentario di MEP, Chris Romero:

Pa 6 aña largo AVP su Gobierno no tabata tin un maneho ecologico efectivo pa nos isla

Durante tratamento di Presupuesto di Pais Aruba pa aña 2016, nos a mira un Minister President papiando pa oranan largo di sostenibilidad, sin duna e concepto aki ningun tipo di contenido.

Loke si por a sinti ora cu a scucha sr. Eman su discurso di sostenibilidad, ta cu Gobierno aparentemente ta contra Serlimar sin haci mucho pa proteha nos medio ambiente.

Siman pasa, un biaha mas, dump na Parkietenbos tabata na candela, poniendo Aruba den luz negativo mundialmente pa cu maneho ecologico. Turistanan cu ta bin bishita nos isla bao di e promesa di conoce e "Aruba Paradise" tabata testigo di e sufrimento constante di nos ecologia, ora cu nan por a mira cu nan mesun wowo e candela na dump. Un candela cu por a wordo preveni si e proyecto di "Waste to Waste System" no a wordo boycotia pa Mike Eman su Gobierno. Gabinete Mike Eman 1 & 2 a boycotia proyectonan esencial pa e maneho ambiental di nos pais simplemente pasobra ta proyectonan di Gobierno di MEP. Un actitud cu aparte di ta uno infantil y hipocrita ta demostra di ta contra e desaroyo di e pueblo Arubano.

Pa 6 aña largo AVP su Gobierno no tabata tin un maneho ecologico efectivo pa nos isla.

Nos ta mira un cantidad grandi di dump ilegal rond di nos isla, cu cada dia ta birando mas hopi. Y ta parce cu e Gobierno aki ta apoya e iniciativa robez di dump ilegal, pasobra nan no ta incentivando nos pueblo pa ta mas consciente den e maneho di sushi.

Definitivamente ora cu nos papia di un Gobierno hipocrita y infantil, nos tin cu papia di Gabinetenan Mike Eman 1 y 2. 2 siman pasa, durante tratamento di Presupuesto 2016, Partido MEP a entrega un mocion caminda ta urgi Gobierno pa baha e suma cu ta cobrando pa recoge sushi, di 35 florin pa 10 florin. Lamentablemente e Parlamentarionan di AVP a vota contra e mocion aki sin por a duna argumentonan valido. Ironicamente tempo ex - Minister Booshi Wever a propone pa cobra 10 florin mensualmente pa recoge sushi, Partido AVP den oposicion a demoniza e proposicion aki, argumentando cu e tabata un medida abusivo contra pueblo di Aruba. Pero awor cu nan ta den Gobierno, cobra 35 florin mensualmente no ta un abuso contra pueblo. Hipocrecia na gran escala mi ta yama esaki!

Ora cu nos mira cu e maneho ecologico di nos pais ta den man di dos Minister, esta Benny Sevinger y Mike de Meza y nos por comproba cu no tin maneho efectivo y responsabel pa cu esaki, nos ta realiza cu e Gobierno aki no sa mes kico nan ta haciendo. Un politica di papia bunita pero sin duna peso y contenido na loke nan ta papia, esey ta e politica di Partido AVP.

Nos ta corda ainda con Gobierno, Minister Sevinger pa ta mas exacto, a bin keha na Parlamento bisando cu supuestamente nos di Partido MEP no ta apoyando Serlimar. Pero ora cu nos bay waak den Presupuesto 2016 pa Pais Aruba, ta poni atrobe cu Serlimar lo haya menos placa y cu ta na aña 2016



Gobierno lo bay waak si nan por bira 100% cliente di Serlimar. Otro hipocrecia mas di Partido AVP! Pasobra si bo tin bo mesun compania estatal cu ta haci e trabaonan aki, pakico bo ta prefera duna otro companianan e trabao na lugar di duna esun di bo mes?

Awor Mike Eman & Co. kier culpa pueblo di Aruba pa e situacion precario di Serlimar, argumentando cu como cu pueblo no kier paga e suma barbaro di 35 florin pa luna, Serlimar ta den cora. Pero loke cu nan no kier bisa ta cu Serlimar ta den cora danki na nan mesun mal maneho como Gobierno, pasobra nan mes no ta kere den e compania, y nan mes no kier haci uso di su servicionan. Pakico boycotia Serlimar deliberadamente como Gobierno, sabiendo cu e ta un compania cu ta pertenece na pueblo di Aruba? Gobierno su

postura pa cu Serlimar ta duna nos e impresion cu nan kier mata Serlimar financieramente.

Bao maneho di MEP nos lo percura pa uni bek e maneho di medio ambiente bao di un Ministerio, cu e vision pa haci Serlimar rendabel y auto suficiente pa e compania por keda den funcion. Mester percura pa pais Aruba bira e cliente principal di Serlimar. Nos lo pone e bureau di City Inspector den mesun maneho cu Serlimar y nos lo duna nan e respaldo hudicial necesario pa nan por tin e autoridad suficiente pa duna proces verbal na esnan cu ta susha nos

isla.

Esaki lo inclui un division riba lama pa zorg cu oil spill lo ta algo di pasado, si e pasa mes lo tin consecuencia financiero pa esnan responsabel. Di e manera aki nos lo sigura cu Serlimar lo mantene su mes riba pia, garantizando trabou na tur e trahadornan. Nos lo crea campananan educativo pa asina haci un sistema di reciclahe hopi mas efectivo y responsabel pa nos isla.

Den un mundo moderno y un maneho sostenibel di berdad, no tin lugar pa un dump manera esun na Parkietenbos, ni ningun tipo di dump ilegal.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Kijkdag pa tur alumno di 6e klas a cuminsa na Colegio Arubano

Desde 16 di Februari te cu 2 di Maart proximo, Colegio Arubano tin su portanan habri pa ricibi tur alumno di schoolnan basico.



E “kijkdag” pa e alumnonan di schoolnan basico, ta un iniciativa di Colegio Arubano como forma di preparacion pa e alumnonan cu lo traha e Toelatingstoets dia 22 di April 2016. En total 313 alumno di 6e klas a wordo invita pa bin e kijkdag aki na Colegio Arubano. E alumnonan aki ta bini di 25 school basico di pabao di brug.

Planificacion

Desde November 2015, Colegio Arubano

a acerca tur school basico pidiendo pa un pronostico di e cantidad di alumno di 6e klas cu e school lo propone pa traha e “toelatingstoets” pa Colegio. A base di e cantidad Colegio Arubano a prepara un programa pa ubica tur e alumnonan pa por pasa un mainta di orientacion na Colegio. Asina a reuni dos siman pasa cu tur cabezante di e schoolnan basico pa informa nan tocante e preparacion pa e dia di bishita y tambe e organizacion di e

Toelatingstoets.

Kijkdag

Cada alumno di 6e klas ta wordo asigna na un alumno di klas Ciclo Basico 1 cu lo fungi como guia pa nan. Hunto cu su “CB-1 buddy” e alumnonan di 6e klas ta sigui tur les riba e rooster. E alumno di 6e klas ta experencia con e sistema di les ta bay na Colegio Arubano. Tambe e alumno por experencia enivel di les y siña conoce algun alumno y docente

di Colegio Arubano. Colegio Arubano ta spera cu e bishita aki ta yuda baha e drempel cerca e alumnonan di 6e klas y ta brindanan e oportunidad pa por haci preguntanan tocante e toelatingstoets na su “buddy”. Nan ta forma un bista caba di locual ta spera nan riba e dia

di e Toelatingstoets. Di e forma aki nan ta haya mas confianza y lo tin menos miedo. Tambe Colegio Arubano ta spera cu e kijkdag na school ta duna e alumnonan di 6e klas mas animo y motivacion pa sigui haci nan best pa por pasa e toelatingstoets cu exito.



Maldad ta vence solamente ora bondad stop di persisti!

Sospechoso di atraco ta den man di husticia

Atraco Team ta sigui cosecha exito den investigacionnan



Hopi hende no ta realiza cu Aruba tin un di e indicenan mas halto den Caribe pa cu solucion di casonan criminal. Mayoria caso di atraco por ehempel ta wordo soluciona y e sospechosonan ta yega dilanti Huez pa haya un condena. Asina mes ta muestra tambe den un caso specifico cu a tuma lugar aña pasa, di cual autoridadnan a detene e sospechoso principal ayera mainta na su cas.




E ekipo di recherchenan trahando especificamente riba casonan di atraco, conoci den comunidad como "Atraco Team" a bay hunto cu nan coleganan di "Team Bijzondere Projecten" (TBP) na un cas situa na Piedra Plat. Algo prome cu 8:00am nan a yega e cas y eyan a detene e sospechoso di inicial L.D.F.M di 20 aña di edad. A present'e na un Fiscal Auxiliar cu a ordena su encarcelacion pendiente e investigacion penal den su contra.



Cuerpo Policial Aruba desde algun aña pasa caba a adapta su maneho y a duna prioridad na investigacion di e tipo di crimennan asina. A reenforza e ekipo cu polisnan adicional cu ta investiga e casonan aki y na un forma profesional, tactico y usando strategianan moderno y sofistica, ta yega na e sospechosonan pa presenta nan na Corte pa ricibi castigo pa e crimennan cometi.

Pa por logra soluciona e tipo di casonan asina, ta esencial pa por conta cu e sosten y cooperacion



di comunidad, cu ta suministra informacion na Polis. Por haci esaki libremente y den forma anonimo door di yama 11141. Ta garantiza anonimidad di tur cu duna tip via e number aki.

Cuerpo Policial Aruba ta sigura comunidad cu e varios ekiponan di recherchenan ta trahando 24 ora pa dia y 7 dia pa siman pa

soluciona tur e casonan pendiente, sin distingui entre esunnan grandi of chikito. E berdad ta cu e casonan grandi ta pone un presion riba e organizacion, pero na final, ta yega na solucion di e casonan toch. Vocero Policial Lito Lacle a expresa e siman aki: "Maldad ta vence solamente ora bondad stop di persisti. Y den e caso aki, nos lo sigui persisti!"

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500



Conocido di polis demente Polis a gara ladron den baño, scondi tabata bati riba porta di tras di cortina restaurant

Dialuna, pa mas of menos 7'or di mainta, personal di Papiamento Restaurant a yama polis y bisa cu e conocido Dyron F. tabata bati riba porta di e restaurant. Na caminda pa e restaurant, polis a bin top'e riba e parkinglot di CMB na Palm Beach. Dyron tabata totalmente hyper y tabata papia coy loco. El'a wordo hiba na cas di su welonan, caminda e wela a declara cu e no a bebe su pildonan. Bao di supervision di polis, e wela a dun'e su pildonan, caminda cu el a bira rustig y kier a bay drumi.

carne, lagando un morto

Dialuna, pa mas of menos 11'or y 50 di anochi, Central di Polis a manda patruya di Noord pa Bubali, pa un caso caminda algun cacho lo a morto carne. Na e sitio polis a waak un carne morto, dos carne tabata mal herida, cu tabata sufri y 2 otro carne cu tabata tin sanger riba nan, posiblemente tambe mordí. A purba di yama e veterinario na warda pa asina pone e carnenan drumi, pero no a logra. Den deliberacion cu e fiscal auxiliary (cu permiso di e doño G.L.), e dos carnenan a wordo mata. Parce cu ta trata di dos cacho cu tabata ataca carne. Ta trata di un cacho preto y uno color di tiger. Central a wordo poni na altura.

Xiomara ta menaza dama cu cuchiu na San Nicolas

Dialuna, pa mas of menos 4'or y 13 di atardi, patruya di San Nicolas a wordo dirigi den Caya Jose Geerman, den Johnson's Supermarket, caminda cu tabata tin menaza cu un arma blanco. Na e sitio a papia cu e dama B. kende a declara cu un muher yama Xiomara a drenta e negoshi y a bay riba dje cu un cuchiu. Tambe el' a menaz'e. Segun B., Xiomara ta e amiga di e tata di su yiunan y alavez ta ilegal riba e isla. B. a wordo manda pa recherché. Xiomara no tabata mas na e sitio. Central di Polis a wordo poni na altura. Yiu ta haci fastioso ora e no a haya placa

Dialuna, mas of menos 5'or y 13 di atardi, Central di polis a manda patruya di Playa na Ponton pa un caso di ladronia. Na e sitio a papia cu un di e habitantenan di e apartamentonan.

El 'a declara cu desconocidonan a drenta den apartamento number 1. E habitante mes no tabata na e sitio. Un paar di minuut despues, e habitante a yega. E homber a declara cu ora el' a habri e porta, el 'a mira un homber desconoci ta core bay direccion di e baño. El 'a sigui bisa cu e homber desconoci

tabata arma y alavez tabata tin un otro hende den e kamber.

Un di e desconocidonan a cera su mes den baño. Den cuadro cu esaki, a pidi pa refuerzo. A controla den e kamber, pero no a topa cu ningun hende. A bisa e homber desconoci den varios ocasion pa habri e porta di baño, pero esaki no a haci caso. E doño di e apartamento a duna permiso pa kibra e porta pa asina drenta den e baño. Patruya di Noord a bin tambe na e sitio y cu nan ayudo, a logra kibra e porta. Den e baño, e homber

desconoci tabata scondi tras di cortina. El a wordo ordena pa sali pafo. Esaki a haci menos caso y a cuminsa resisti contra polis. Pero esaki tacticamente a wordo poni abao y a haya door di esey algun rasca na su frenta. E sospechoso a wordo aresta y hiba warda di Playa pa mas investigacion. El a keda presenta dilanti di fiscal auxiliar y encarcela. E arma cu e tabata tin cun'e parce tabata un yabí di tubo. E sospechoso a usa esaki pa drenta paden. Esaki a wordo confisca. Central di Polis a wordo poni na altura.



PRIJS Balor pa bo placa!

Na Kooyman, bo no ta haya un producto di calidad inferior. Cada producto ta bin garantisa di un servicio excelente y di un consejo di un experto. Pasobra ora bo sali di nos tienda, nos kier pa bo ricibi balor pa bo placa, te na e ultimo cen. Esey nos ta yama, balor pa bo placa.

DISFRUTA
DI NOS
SERVICIONAN:



FREE ESTIMATE



CUTTING
SERVICE



REPAIR &
MAINTENANCE



OPEN

Kooyman Mega Store, Av. de la Playa 20
Dialuna - Diasabra 07:00 - 18:00 Dia Domingo 07:00 - 18:00
WWW.KOOYMAN.BV.COM





BRIYANDO FUERTE • TRECIENDO CLARIDAD

Diahuebs 18 Februari 2016


Grupo 7 y Rocky Kelly a protesta na dump

Ayera tardi Grupo 7 a manifesta na dump, riba e mal maneho di Benny Sevinger.

E grupo a haya sosten di basta hende cu a acudi. Rocky Kelly a bisa cu bandi 6:30 di

atardi, bo por mira e candela den e sero di sushi. Pues aki no ta ningun acto cu hende ta pegue na candela, pero e ta asina contamina cu e ta hopi "brandbaar".

Gobierno di AVP a kibra e proyecto di MEP di 28 milyon florin. Nan a culpa tur hende, pero huez awor a bisa cu ta AVP mes a boycotea e proyecto. Pues AVP no a haci net net nada.



Indice di Prijs di Consumo, Januari 2016

Oficina Central di Estadistica ta presenta e resultadonan principal di e Indice di Prijs di Consumo (CPI) pa luna di Januari 2016

E CPI pa luna di Januari 2016 ta 117.12, loke ta representa un caida di 1.1% compara cu e indice di December 2015 (118.41). E cambio di e CPI pa e ultimo 12 lunanan (Januari 2015 te cu Januari 2016) ta -0.5%, un caida di 1.5 punto di porcentahe (ppt) compara cu e periodo corespondiente di aña pasa (1.0%). E promedio anual di e tasa di inflacion pa e periodo di Januari 2015 pa Januari 2016 ta 0.3%, un caida di 0.2 ppt compara cu e 0.5% registra den e periodo di Januari 2014 pa Januari 2015. Durante e luna aki, cinco di e diesdos sectornan a registra caida di prijs. E caidan cu tawata tin e mayor efecto riba e CPI a wordo registra pa e sectornan di "Vivienda" (-3.1%), "Recreacion y cultura" (-1.9%) y "Transporte" (-0.8%), causando un efecto di -0.93, -0.16 y -0.14 ppt, respectivamente. E caidan den e restante sectornan a contribui cu un efecto di -0.03 ppt riba e CPI di Januari 2016. E caidan aki a wordo contraresta parcialmente door di principalmente un subida den e indice di e sector di "Cuminda y bebida no-alcoholico" (0.8%), cu a contribui cu un efecto di 0.12 ppt.

E subidanan den e restante sectornan a contribui cu un efecto di 0.06 ppt riba e CPI di Januari 2016. E caida den e sector di "Vivienda" a wordo causa door di un caida den e categoria "Electricidad, gas y otro combustible" (-9.7%), causando un efecto di -0.94 ppt. E caida den e sector di

Tabel 1 Resumen cambio di porcentahe di e CPI

| Indice | 117.75 | 117.61 | 118.65 | 118.47 | 118.85 | 118.43 | 119.18 | 118.83 | 118.14 | 117.72 | 117.75 | 118.41 | 117.12 |
|---------------------------|--------|--------|--------|--------|--------|--------|--------|--------|--------|--------|--------|--------|--------|
| <i>Luna actual</i> | -1.5 | -0.1 | 0.9 | -0.1 | 0.3 | -0.4 | 0.6 | -0.3 | -0.6 | -0.4 | 0.0 | 0.6 | -1.1 |
| <i>Acumula</i> | -1.5 | -1.6 | -0.7 | -0.9 | -0.6 | -0.9 | -0.3 | -0.6 | -1.1 | -1.5 | -1.5 | -0.9 | -1.1 |
| <i>Tasa anual</i> | 1.0 | 0.7 | 1.3 | 1.1 | 1.1 | 0.7 | 0.9 | 0.7 | 0.3 | -0.8 | -0.2 | -0.9 | -0.5 |
| <i>Promedio anual</i> | 0.5 | 0.6 | 0.8 | 0.9 | 1.0 | 1.0 | 1.0 | 1.0 | 1.1 | 0.9 | 0.7 | 0.5 | 0.3 |
| <i>Bienes</i> | -1.3 | -0.5 | 0.5 | 0.3 | 0.2 | -0.4 | 1.0 | -0.5 | -0.9 | -0.6 | 0.0 | 0.3 | -1.4 |
| <i>Servicionan</i> | -1.7 | 0.6 | 1.5 | -0.9 | 0.5 | -0.3 | 0.02 | 0.1 | 0.0 | 0.1 | 0.0 | 1.0 | -0.6 |
| <i>CPIC</i> | 0.2 | 0.4 | 0.6 | 0.7 | 0.9 | 1.0 | 1.1 | 1.1 | 1.1 | 1.2 | 1.3 | 1.3 | 1.3 |
| <i>Energia</i> | 0.2 | -0.01 | 0.0 | -0.1 | -0.3 | -0.4 | -0.6 | -0.6 | -0.6 | -1.7 | -2.2 | -3.0 | -3.3 |
| <i>Cuminda</i> | 2.7 | 3.2 | 3.4 | 3.6 | 3.7 | 3.6 | 3.7 | 3.7 | 3.7 | 3.3 | 2.7 | 1.9 | 1.4 |
| <i>1 adulto</i> | 2,097 | 2,091 | 2,090 | 2,090 | 2,086 | 2,075 | 2,089 | 2,087 | 2,084 | 2,082 | 2,084 | 2,097 | 2,080 |
| <i>2 adulto + 2 mucha</i> | 4,403 | 4,392 | 4,389 | 4,388 | 4,382 | 4,358 | 4,386 | 4,383 | 4,376 | 4,372 | 4,377 | 4,404 | 4,368 |

Source: Central Bureau of Statistics Aruba

Tabel 2 Cambio di porcentahe pa sector

| CPI | 10,000.0 | -1.09 | -1.1 | -1.1 | -0.5 | 0.3 |
|--|----------|-------|------|------|------|------|
| <i>01. Cuminda y bebida no-alcoholico</i> | 1,125.3 | 0.12 | 0.8 | 0.8 | -0.6 | 1.6 |
| <i>02. Bebida alcoholico y productonan di tabaco</i> | 81.9 | 0.00 | 0.3 | 0.3 | 2.9 | 3.7 |
| <i>03. Paña y sapato</i> | 625.9 | 0.00 | 0.1 | 0.1 | 2.2 | -2.4 |
| <i>04. Vivienda</i> | 2,553.3 | -0.93 | -3.1 | -3.1 | -2.4 | 3.2 |
| <i>05. Mobilario</i> | 741.3 | 0.02 | 0.3 | 0.3 | -0.3 | 0.1 |
| <i>06. Salud</i> | 235.8 | 0.03 | 1.7 | 1.7 | -0.8 | 0.5 |
| <i>07. Transporte</i> | 1,815.4 | -0.14 | -0.8 | -0.8 | -1.4 | -6.4 |
| <i>08. Comunicacion</i> | 706.3 | -0.03 | -0.5 | -0.5 | 0.2 | 2.2 |
| <i>09. Recreacion y cultura</i> | 891.2 | -0.16 | -1.9 | -1.9 | 2.9 | 1.1 |
| <i>10. Educacion</i> | 83.0 | 0.00 | 0.1 | 0.1 | 1.1 | 0.5 |
| <i>11. Restaurant y hotel</i> | 373.7 | 0.00 | 0.1 | 0.1 | 2.8 | 3.6 |
| <i>12. Restante bienes y servicio</i> | 767.0 | 0.00 | -0.1 | -0.1 | 0.3 | 1.5 |

Source: Central Bureau of Statistics Aruba

"Recreacion y cultura" a wordo causa door di un caida di 23.1% den e categoria "Vacacion", causando un efecto di -0.20 ppt. E caida den e sector di "Transporte" a wordo causa principalmente door di caida den e categorianan "Gasto relaciona cu uso di vehiculo di transporte personal" (-1.0%) y "Servicio di transporte" (-4.2%), causando un efecto di -0.08 y -0.06 ppt, respectivamente. E subida den e sector di "Cuminda y bebida no-alcoholico" a wordo causa

door di subidanan di 0.8% y 0.9% den e categorianan "Cuminda" y "Bebida no-alcoholico", causando un efecto di 0.10 y 0.02 ppt, respectivamente.

E canasta di consumo di e CPI ta consisti di 452 bienes y servicicionan. Compara cu December 2015, 35.6% di e bienes y servicicionan aki a conoce un aumento di prijs causando un efecto di 0.47 ppt, mientras cu 25.9% ta muestra un caida di prijs, cu a contribui cu efecto di -1.55 ppt y pa e restante 38.5% no tawata

tin cambio den prijs.

Prijsnan di bienes a baha cu 1.4% na Januari 2016 y a causa un efecto di -0.85 ppt riba e CPI di Januari 2016. Prijsnan di servicicionan a conoce un caida di 0.6% y a causa un efecto di -0.24 ppt. E CPIC (core inflation) - CPI excluyendo e efecto di energia y cuminda - a registra na Januari 2016 un subida di 1.3%, un subida di 1.1 ppt, compara cu e periodo corespondiente di aña pasa (0.2%).

E indice di energia - cu ta

consisti di e productonan: electricidad, awa, gasolin y diesel a registra un caida di 3.3%, cu ta 3.5 ppt mas abou compara cu e periodo corespondiente di aña pasa (0.2%). E indice di cuminda a registra un subida di 1.4%, cu ta 1.3 ppt mas abou compara cu e periodo corespondiente di aña pasa (2.7%).

E bestaansminimum pa un hogar consistiendo di dos adulto y dos mucha (edad 0-14 aña) na Januari 2016 ta Afl. 4,368, mientras cu pa un hogar di un adulto e suma ta Afl. 2,080.

CBS ta publica cifra:

Bestaansminimum na Januari 2016

E bestaansminimum ta e nivel minimo di entrada cual ta wordo percibi cu ta necesario pa logra mantene un nivel di bida adecuado den un cierto pais. Usualmente e bestaansminimum ta wordo determina door di calcula e gasto di tur e recursonan esencial cu un adulto ta consumi den un luna of aña.

Generalmente esaki ta

wordo yama un indice basico di necesidad, y e ta varia segun e prijs di cuminda, paña, vivienda, transporte y otro articulonan den e "canasta". Escalanan di ekivalencia ta wordo usa pa ahusta e nivel minimo di entrada percibi pa hogarnan di diferente tamaño y composicion. E escala ta asigna un peso di 1.0 pa e prome adulto y 0.5 pa cada adulto adicional

den e hogar (edad 15+) y un peso di 0.3 pa cada mucha (edad 0-14 aña). E bestaansminimum ta basa riba cifranan di e rapport "Bestaansminimum 2010" cu CBS a publica na December 2010 y ta wordo actualiza mensualmente pa cu inflacion usando e CPI mensual.

E unidad di referencia den e rapport aki ta di un hogar cu ta consisti di dos

adulto y dos mucha (edad 0-14 aña).

Na Januari 2016 e bestaansminimum mensual pa un hogar cu ta consisti di dos adulto y dos mucha (edad 0-14 aña) (Afl. 4.368) ta muestra un caida di Afl. 35 compara cu Januari 2015 (Afl. 4.403) y a wordo causa principalmente door di un caida di Afl. 34 den e sector di "Vivienda".

Na Januari 2016 e bestaansminimum mensual pa un hogar cu ta consisti di un solo adulto ta Afl. 2.080, cual ta representa un deficit di entrada di Afl. 443, un caida di Afl. 17 compara cu e deficit observa un aña pasa (Afl. 460).

E deficit aki ta e di tres mas abao registra den un periodo di cinco aña pa luna di Januari.

Tabel 9: Bestaansminimum mensual na Aruba (na Afl.) pa sector pa un famia consistiendo di 2 adulto y 2 mucha (0-14 aña)

| Sector | 2015 | 2016 | Cambio |
|--------------------------------|--------------|--------------|------------|
| Cuminda y bebida no-alcoholico | 1,614 | 1,605 | -9 |
| Paña y sapato | 249 | 255 | 6 |
| Vivienda | 1,435 | 1,401 | -34 |
| Mobilaria | 130 | 130 | 0 |
| Salud | 69 | 68 | -1 |
| Transporte | 237 | 234 | -3 |
| Comunicacion | 127 | 127 | 0 |
| Recreacion y cultura | 174 | 179 | 5 |
| Educacion | 63 | 64 | 1 |
| Restante bienes y servicio | 304 | 305 | 1 |
| Total | 4,403 | 4,368 | -35 |

Source: Central Bureau of Statistics Aruba

Tabel 10: Bestaansminimum mensual na Aruba (na Afl.) segun tamaño y composicion di famia, Januari 2016 (Base Oct. 2010)

| Composicion | 2015 | 2016 | 2017 | 2018 | 2019 |
|-------------|-------|-------|-------|-------|-------|
| Jan-15 | 2,097 | 2,726 | 3,145 | 3,774 | 4,403 |
| Feb-15 | 2,091 | 2,719 | 3,137 | 3,764 | 4,392 |
| Mar-15 | 2,090 | 2,717 | 3,135 | 3,762 | 4,389 |
| Apr-15 | 2,090 | 2,717 | 3,134 | 3,761 | 4,388 |
| Mei-15 | 2,086 | 2,712 | 3,130 | 3,756 | 4,382 |
| Jun-15 | 2,075 | 2,698 | 3,113 | 3,735 | 4,358 |
| Jul-15 | 2,089 | 2,715 | 3,133 | 3,759 | 4,386 |
| Aug-15 | 2,087 | 2,713 | 3,130 | 3,756 | 4,383 |
| Sep-15 | 2,084 | 2,709 | 3,126 | 3,751 | 4,376 |
| Oct-15 | 2,082 | 2,707 | 3,123 | 3,748 | 4,372 |
| Nov-15 | 2,084 | 2,710 | 3,127 | 3,752 | 4,377 |
| Dec-15 | 2,097 | 2,727 | 3,146 | 3,775 | 4,404 |
| Jan-16 | 2,080 | 2,704 | 3,120 | 3,744 | 4,368 |

Source: Central Bureau of Statistics Aruba

CAMBIO di NUMBER DI TELEFON

Departamento di Scolnan Publico (DPS) cu ta situa na Cumana 69 (Edificio di CODEMSA) ta informa cu e number 582-8398 no den operacion mas. Entrante awe e number di

telefon ta 521-2300.

DPS ta pidi Aruba engeneral y e cuerpo estudiantil y nan mayor pa tuma bon nota di e cambio aki.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Tabel 11: Surplus/deficit di entrada mensual (na Afl.) pa Januari pa un hogar di un solo adulto, 2012 - 2016

| Año | Entrada | Gasto | Surplus/Deficit |
|------|---------|-------|-----------------|
| 2012 | 2,123 | 1,605 | -518 |
| 2013 | 2,033 | 1,605 | -428 |
| 2014 | 2,029 | 1,637 | -392 |
| 2015 | 2,097 | 1,637 | -460 |
| 2016 | 2,080 | 1,637 | -443 |

Source: Central Bureau of Statistics Aruba

SOLO SALUD

RENE WILD

AWA DI LAMOENCHI CU SEA SALT

E bebida aki por yuda bo enormemente como parti di un regimen di comienzo di dia cu algo super saludabel. Tin hopi atleta cu ta cuminsa nan dia cu e bebida aki pues esey ya ta bisa bo algo.

Un glas di awa lauwer cu sea salt por yuda boost bo sistema imun, baha bo acido urico, bringa inflamacion, mehora digestion y balansa e curpa. Tur esaki debi na e Vit C di e lamoenchi y e mineralnan cu tini den sea salt. Pues, e bebida aki ta promove vitalidad, salud en general y hasta kisas bo bida romantico!

Ban wak kiko tur mas e bebida aki ta ofrece nos. Lamoenchi ta dissolve e acido urico den nos jointnan y ta yuda reconstrui nos tendonan, ligamentonan y wesonan...pues sigur benefical pa esnan cu rheumatoid arthritis y osteoarthritis.

Un glas diario di awa di lamoenchi y sea salt, ta provehe un balanse di mineral cu ta yuda cu mihor absorpcion di cuminda y awa. Tambe e ta balansa e parti acido (PH) di e curpa. Manera menciona caba, e Vit C den e lamoenchi ta yuda boost bo sistema imun y alavez e combinacion aki ta juda cu detox e celnan.

Pa e damanan, e combo aki ta juda cu celulitis...basta cu banda di bebe esaki, bo come slaudabel si.

Tin mas...e balanse hormonal di e bebida aki, ta yuda bo drumi miho cu ta esencia pa salud fisico y mental. Pa esnan Pre Diabetico of cu ta Tipo 2, e fibra di e lamoenchi ta yuda balansa e nivel di sucu den e sanger. Nos ya sigi...e ta yuda ditoxifica e lever y ta yuda elimina e mal aliento den e boca cu por ser ocasiona durante drumimento.

Kere of no of kere pero hasta pa e stress, e bebida aki ta juda y pa no laga afo cu e por yuda tambe baha precion. Finalmente pa e cabayeronnan, e bebida aki por boost bo LIBIDO!

BENEFICONAN DI BACOPA !

Bacopa ta un di e frutan mas popular na mundo y alavez un di e frutan cu ta mas mal entendi. Pa esnan cu tin miedo cu bacopa ta contene hopi suku of hopi carbohidrato cual NO ta berdad, aki algun info di e fruta super saludabel aki.

Bacopa a origina na e Sur Este di Asia y na hopi parti calor di nos mundo. Tin varios tipo di banana pero e mas popular y reconoci ta e bacopa geel ora e ta Madura y berde ora e no ta.

Bacopa ta contene un cantidad di fibra, algun anti oxidantenan y:

- * Potasio.
- * Vitamina B6
- * Vitamina C
- * Magnesio.
- * Koper.

- * Manganese.
- * Carbohidrato: 24 gram
- * Fibra.
- * Proteina.
- * Vet.
- * Caloria : 105

*Bacopa ta contene nutrientenan cu ta yuda controla y modera nivel di suku despues di un cuminda y por yuda reduci apetito.

*Bacopa ta rico na fibra cu ta juda e stoma cu bacteria cu ta protehe contra cancer.

*Bacopa ta yuda cu baha peso debi na cantidad di caloria abao, hopi nutriente saludabel y fibra.

*Bacopa ta bon pa e CURAZON debi na e contenido di Potasio y Magnesio cu ta dos mineral esencial pa e curazon.

*Bacopa ta contene anti oxidantenan cuta juda bringa malesanan.

*Bacopa nan cu no ta Madura ta tremendo pa e sensibilidad di esnan cu tin suku aunke aki mas estudio nan mester ser haci.

*Bacopa por reudci malezanan di nos rinjon cu 50%.

*Bacopa ta yuda reduce cramp durante ehercicio y ta proheve energia pa haci ehercicio of competencianan aerobico.

TIPS PA UN BARICA PLAT:

EXAMINA BO COMEMENTO

Bo por haci cuanto ehercicio cu bo kier of cuanto abs / buikspier cu bo kier pero si bo no cambia bo manera di come pa mas berdura, proteinanan abao den vet y hariñanan complejo, hamas bo lo baha den porcentahe di vet te corda pa tin un barica plat.

PONE METANAN REALISTICO


Bo actor of actriz favorito of bo deportista favorito ta val pa bo lo kier un fisico manera nan pero no verwacht cu esey lo pasa cu bo of pa bo paso nos tur tin genonan, metabolismo y un fisica diferente. Focus riba ABO y bo curpa,,no un imagen perfecto.

POSTURA

Para stret... schoudernan no dobla dilanti y tene barica aden. Pa un bon postura, orenan mester ta liña riba e schoudernan, schoudernan riba e heupnan, heupnan riba e rudianan y rudianan riba e enkelnan. Mescos un camisa colga na un hanger.

FITNESS

E ventaha di un entrenador personal y un gym ta cu bo por train full e curpa inclusive e condicion personal.



Rene Wild
Personal Trainer and Nutritionist
Tel.: 297.594.3327
E-mail: rwderek@hotmail.com


Nutricion & Movecion

Diahuebs 18 di Februari e gran torneo "Ban Juda Echi" ta inicia

Comision Speranza pa un Atleta hunto cu coordinacion di Aruba Softball Bond lo ranca sali cu un torneo di softball cual tin un meta hopi special.

Atleta di Softball di Seleccion Masculino Edmar "Echi" Boekhoudt a sufri un accidente grave October 2015.

Door di esaki su wowonan a keda cu limitacion esta su wowonan a keda skill.

Mayornan hunto cu familiares y amigonan a forma un comision pa organiza un torneo y tur locual wordo recauda 100% lo bay pa yuda Echi bay Colombia pa un second opinion y un posible tratamiento.

Diahuebs 18 di Februari pa 7pm Seleccion Masculino kendenan ta den preparacion pa Panama lo hunga un wega di fast pitch.

Piratas vs Spuiters y Underground vs Final Touch lo continua.

Diabierna weganan ta inicia desde 7pm y diasabra for di 1pm lo tin wega den Liga 50 sigui pa 2:45pm wega den Liga 40 y asina lo continua te anochi.

Diadomingo mainta pa 10am lo inicia te atardi. For di 6pm enadelante ZETA Band lo ta poniendo



"BAN UNI Y JUDA ECHI"

ambiente.

Diferente DJ a coopera den e ocasion aki pa asina contrubui cu e actividad pa recauda fondo aki cual tin un meta hopi noble esta "Ban Yuda Echi".

Giandrick Lacle lo percura pa pone su DJ booth unda demas DJ's por hasi uso di dije. DJ Alvin Wever, Mikes Discos ya a confirma.

Alaves lo tin un cuminda na venta aros con pollo, chicken sate, salada y

banana pa solamente Afl.13.50.

Carchi obtenibel cerca familiares di Echi y tambe tur miembronan di Seleccion, Royal Power y Kibaima.

Henter pueblo di Aruba ta keda cordialmente invita pa pasa veld un rato aportando asina pa un bon causa.

Boso presencia ta altamente aprecia.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

TA BENDE

BUICK REGAL 1996
Toyota Tercel prijs Afl. 1500,=

Yama 569-4343



Yos Septic Tank Service

Chica pos y habri tuberia Pa un bon servicio y mas informacion tuma contacto cu Nena Dirksz na 7482689 of Jose Dirksz na 5666144 Paradijs #09 - Oranjestad, Aruba.

Prome cu bo cera telefon, nos ta para dilanti bo cas! Mas rapido cu YOS no ta existi!

Deporte Escolar:

Weganan di Volleyball entre schoolnan Basico



Riba calendario di 'Deporte Escolar' organiza pa IBI SA ta tumando lugar e competencia di volleyball entre e schoolnan di Enseñansa Basico pa mucha muher. Tur wega ta den Centro Deportivo Libertador Betico Croes na Sta. Cruz y ta cuminsa pa 3'or di atardi. E schoolnan cu ta enfrentando otro ta: Pius X School, Cacique Macuarima School, Prinses Amalia School, Colegio Santa Famia y Commandeur Pieter Boer School.

Den e prome wega a enfrenta otro Pius X School

y Cacique Macuarima School, cu a resulta den un wega fuerte cu dominio di e hobennan di Cacique Macuarima School cu ta gana tambe e prome set cu 25 punto contra 15 di Pius X School. E di dos set a termina 25 pa 10 cu victoria pa Cacique Macuarima School, cu ta gana'sina e prome wega di atardi.

E di dos wega tabata entre e hobennan di Prinses Amalia School y esnan di Colegio Santa Famia. Ambos school a bataya fuerte pa cada punto. Den e prome set Prinses

Amalia tabatin e bentaha grandi y ta finaliza e set cu score di 25 pa 14. Nan ta gana e di dos set tambe, na momento cu tempo reglamentario di wega ta indica cu mester finalisa.

Wega cu a sigui a bay entre Commandeur Pieter Boer School y Cacique Macuarima School. For di cuminsamento e wega tabata cu basta accion di ambos banda, cu bunita hugadanan.

E hobennan di Cacique Macuarima a sa di probecha cada hugada y nan turno di surf bala

cu a duna nan e prome set gana cu score di 25 pa 12. E di dos set a desaroya basta pareu y completando e tempo di wega reglamentario, esaki ta caba cu score di 19 pa 15 na fabor di e hobennan di Cacique Macuarima. Un biaha mas e hobennan di Cacique Macuarima School ta batayando pa mantene nan titulo di campeon, cu nan a logra aña pasa.

E ultimo wega di atardi a bay entre Pius X School y Commandeur Pieter Boer School, cu a hunga e prome set cu hopi animo.


Esaki ta finalisa cu score di 25 pa 19 na fabor di e hobennan di Commandeur Pieter Boer School. E di dos set ta resulta basta pareu. Pero na final di e wega ta Commandeur Pieter Boer School mes ta sali vencedor.

E weganan ta continua den siman pa mira cua school ta resulta campeon di volleyball escolar pa Enseñansa Basico.

IBISA ta invita fanaticonan di volleyball y muchanan di school pa bin apoya nan school den competencia escolar.

E-mail: solodipueblo@gmail.com

James Alex van der Linden, nomina pa tres scholarship na Merca



E hoben talentoso di 19 aña di edad esta, James Alex van der Linden mihor conoci como Alex a ricibi tres carta di nominacion di 3 diferente academia prominente y prestigioso den e area di aviacion militar, cual no ta comun pa un estudiante ya cu normalmente ta un carta so cada estudiante ta ricibi. Airforce Academy, Coast Guard Academy y Merchant Marine ta e academianan di cual dos academia esta, Airforce Academy y Merchant Marine ya a acepta e hoben como estudiante oficial.

E academianan aki ta situa na diferente estado na Merca y ta sumamente prestigioso y costoso.

Airforce Academy situa na Colorado ta acepta mil estudiante pa aña for the 6 mil aplicacion y ta provee estudio na balor di 400 mil dollar. E estudiante lo sirbi pa 5 aña den aviacion militar y por bira pilot pa e academia pa 10 aña.

Coast Guard Academy situa na Connecticut ta acepta 250 estudiante for di 1500 aplicacion pa aña y ta provee estudio na balor di 300 mil dollar. E estudiante lo sirbi pa 5 aña den aviacion military y tambe por bira pilot pa e academia.

Merchant Marine situa na New York ta acepta 250 estudiante for di 1200 aplicacion pa aña y ta provee estudio na balor di

300 mil dollar. E estudiante lo sirbi pa 5 aña den aviacion militar, despues e estudiante por bira capitán di barco pa e academia.

Alex tin 'dual citizenship' Hulandes y Mericano. Alex a logra bin na


remarce dor di varios rekisito estricto entre otro; averahe di punto halto, bon prestacion den deporte, trabao den comunidad y cuidadania Mericano.

E odisea pa logra tur e metanan aki no tabata facil. Alex a logra ricibi un carta di nominacion dirigi na su persona for di State Government di e estado den cual actualmente e ta biba. Tambe Alex mester a haci diferente entrevista y pasa varios examen medico.

Ultimamente Alex a sali campeón den '50 yard free style' y '100 yard free style' den landamento di North Carolina High

School. Por lesa e articulo den prensa Mericano via e siguiente link; http://m.journalnow.com/sports/prepzone/swimming/west-davidson-s-van-der-linden-wins-state-swim-titles/article_2d5ccbb1-7bbf-b345-3c59989e965e.html?mode=jqm. Tambe por mira Alex durante competencia di landamento via e siguiente link: <http://www.ncsasports.org/mens-swimming-recruiting/nc/lexington/west-davidson-high-school/james-van-der-linden>.

Masha pabien Alex, Aruba completo ta orguyoso di bo logronan y exito.



Dialuna pa Diabierna
8am-12pm y 1pm- 5pm
Diasabra 8am - 12 merdia

Servicio pa Fura Matras.....

Busk'e mainta, fur'e
y entreg'e atardi mes

Trabao garantisa pa bo drumi mihor

Servicio ta encera

- * Nos ta revisa bo matras completo
- * Tela di bon calidad borda cu diseñonan bunita cu extra foam pa mihor suport
- * E Fabrica mas recomenda pa fura matras




NESTOR TEY!

Ta habri tur diarazon/diahuebs/
diabierna cu platonan di pisca,
galiña stoba, carni stoba,
cabaron, balchi pisca, porkchop,
bacalou.

Ta habri di 11'or te 3'or na
Siribana y tambe por yama pa
pedido na 5690131.

Y tur Diadomingo BBQ.

Sabana Blanco 34-A - Tel: 582 2709 of 582 4405 - Fax: 583 9637
Email: sleepcom@hotmail.com  Sleep Comfort Aruba

Aqua48 a haci su prome donacion na San Pedro Pavilioen di Stichting Bejaardenzorg Aruba (SABA) cu a wordo recauda na restaurantnan participante



Diaranson 17 di februari ultimo, Aqua48 a otorga su prome donacion recauda cu awa bendi na restaurantnan participante. E donacion a bay pa San Pedro Pavilioen di Stichting Bejaardenzorg Aruba (SABA). A introduci Aqua48 dia 1 di october 2015 caminda consumidornan cu ta order awa den restaurant por scohe entre awa gratis y Aqua48 pa 1 florin cu refil gratis. Durante un encuentro ameno, director di Aqua48, Edwin Hekman hunto cu representantenan di WEB, CEDE Aruba y e restaurantnan participante, a otorga e cheque pa compra di

stulnan recliner na SABA.

'Un tercer parti di e benta di Aqua48 of mas ta bay pa proyectonan caritativo y pues pa un bon causa.', asina Hekman ta splica. E otro parti di e entrada ta bay pa cubri gasto di e proyecto y gastonan di e restaurantnan. Aqua48 ta conta cu sponsoring di WEB Aruba. Pa lo cual ta particion di e fondonan ta conta cu guia y conocimiento di CEDE Aruba.

E prome donacion

Un comision di asignacion, cu representantenan di WEB Aruba, CEDE Aruba y e restaurantnan participante, ta dicidi riba

alocacion di e donacion. Pa e prome donacion a scohe pa honra e peticion di SABA. E fundacion tabatin necesidad urgente di stulnan recliner pa su grandinan. E tipo di stulnan aki a prueba di tin un efecto positivo riba e calidad di bida di hende grandi. Durante e encuentro diarazon ultimo Aqua48 a otorga un cheque na SABA na balor di Awg. 3.750,00 cu cual por compra 5 recliner.

Cooperacion di instancianan

E donacionnan di Aqua48 ta posibel danki na sosten di diferente organisacion. WEB Aruba ta sostene e proyecto financieramente y promocionalmente. CEDE Aruba ta yuda cu e ehecucion practico di e peticionnan pa donacion. Tambe Aqua48 ta haya sosten promocional di diferente compania, entre otro EasyFM, PowerFM y Arubadeal.com. 'Nos ta hopi agradecido na tur e partnernan aki!', asina sr. Hekman a expresa.

Inicio no facil

Edwin Hekman ta reconoce cu e inicio di Aqua48 no tabata facil. No obstante e meta caritativo di Aqua48, no a resulta facil pa cobra pa awa den horeca, mientras cu pa hopi tempo caba esaki ta usual na otro paisnan. Entretanto e aceptacion di Aqua48 ta creciendo. Den e prome lunanan un docena di restaurant cu exito a introduci Aqua48 den nan operacion. Restaurantnan Barney's, The Old Cunucu House y Carambola Restaurant ta bon ehempelnan di esaki. Ta pronostica cu e cantidad di restaurant cu ta ofrece Aqua48 lo crece gradualmente, haciendo pago pa awa di bebe den horeca mas usual y asina logra un contribucion mas grandi pa proyectonan caritativo. Tambe e personal di e restaurantnan mas y mas ta bira motiva pa sirbi Aqua48. Ademas ta nota un efecto positivo riba clientenan ora nan

compronde cu nan por aporta facilmente na un bon causa, pagando un suma simbolico pa nan awa.

Siguiente proyecto caritativo

E comision di asignacion cada cuartal ta otorga un donacion Aqua48. A stipula 4 categoria na cual por haci donacion: 'Mucha y Hoben', 'Hende Grandi', 'Persona cu limitacion' y 'Medio Ambiente y Animal'. E siguiente donacion ta destina pa e categoria 'Mucha y Hoben'. A scohe pa Stichting Kinderhuis Imeldahof Aruba, cu a entrega un peticion pa un proyecto di educacion di plantacion sostenibel. Na april di e aña aki Aqua48 cu aporte di clientenan di restaurantnan ta spera di por entrega un donacion cuantioso na e proyecto aki. Riba e website Aqua48.com tin mas informacion tocante meta y proyectonan di Aqua48. Eynan ta splica tambe con organisacionnan caritativo por aplica pa un donacion.

Segun CBS:

Cambio di prijs di Cuminda y servicio di catering na Januari 2016

E indice di "Cuminda & servicio di catering" a registra un subida di 0.6% na Januari 2016, despues di un subida di 0.5% na December 2015. E indice di "Cuminda na cas" (0.8%) a registra un subida, unda seis di e diesun indicenan di e gruponan di cuminda na cas a subi na Januari 2016.

E indice di "Fruta" a conoce e subida di mas

grandi (5.4%) na Januari 2016.

E indicenan di "Berdura" (4.1%), "Restante productonan pa alimentacion" (1.4%) y "Bebida noalcoholico" (0.9%) tambe a registra subidan. E indice di "Carni" (-1.3%) a registra e caida di mas grandi.

Ademas caidan di 1.1%, 1.0% y 0.3% a wordo

registra pa e indicenan di "Pisca y otro cuminda di lama", "Batata, yuca y batata dushi" y "Azeta y otro productonan traha di vet", respectivamente.

Den e ultimo 12 lunanan e indice di "Cuminda & servicio di catering" a subi cu 0.2%. E indice di "Cuminda na cas" a conoce un caida di 0.6%.

E indice di "Fruta" a baha

cu 3.3%, e caida di mas grandi entre e gruponan di cuminda na cas, mientras cu e indice di "Berdura" a conoce e subida di mas grandi cu 13.3%. E indice di "Cuminda pafo di cas" a registra un subida di 0.1% na Januari 2016, despues di no a registra cambio na December 2015 y registrando un subida di 2.8% den e ultimo 12 lunanan.

Na Januari 2016, "Cuminda na cas" y "Cuminda pafo di cas" como grupo, tawata tin un subida di prijs di 0.6% compara cu December 2015 y hunto tawata tin un influencia di 0.12 ppt riba e CPI, mientras cu e restante bienes y servicio hunto a experencia un caida di prijs di 1.5% y tawata tin un efecto di -1.20 ppt riba e CPI.

E-mail: solodipueblo@gmail.com

ESAKI TA UN ALERTA.

KICO E MALEZA ZIKI TIN DI HABER CU E ENFERMEDAD SINDROME GUILLAIN-BARRE?

Skirbi pa : Omaira I.Rodriguez-Britten

Hopi ta ser papia pero poco ta ser informa pa e pueblo di Aruba. Mi a skirbi tocante maleza Ziki cu ta supuestamente ta bin di e sangura Aedes aegypti cu ta bin di Egipto.(egypti). E moskieta biologicamente ta ubica den e region di Etiopia, Africa. Tambe mi a adverti tocante e pestnan cu ta wordo menciona den Bijbel.

Corda cu ser humano no tin poder ta Dios so y su unico yiu Hesucristo

Lesá Hechos 10:38

Dios ta manda mensahenan pa esnan cu kier sigui su pasonan. Tuma un decision y arepentí di tur pica pa por drenta Su Reino. Busca prome Su Reino y Husticia y tur e cosnan aki lo wordo duna na boso. (Mateo 6-33)

Pakico cada biaha mi ta referi na e palabranan skirbi den Bijbel ? Pasobra den e Bijbel tin tur cos skirbi di comienzo di Mundo, te na su Final tambe kico lo bay pasa tocante enfermedad, guerra, causanan natural tur ta skirbi den Bijbel y si bo no ta kere busca un Bijbel y bay den e versiculonan cu mi ta duna . Lesá Lucas 21-11 / Mateo 24-7.

RELATO TOCANTE SINDROME DI E MALEZA GUILLAIN-BARRE. E SINDROME DI GUILLAIN-BARRE A WORDO DISCUBRI NA AÑA 1916 PA E NEOROLOGONAN FRANCES GEORGES GUILLAIN BARRE Y JEAN ALEXANDRE KENDENAN A DESCUBRIE HUNTO CU

ANDRE STROHI NA 1916.

E síndrome di Guillain-Barre (GBS) ta un debilidad muscular cu ta cuminsa rapidamente y tin como resultado daño den e sistema nervioso periférico (SNP) ta e sistema nervioso forma pa nervionan o neuronan cu ta extende o biba pafor di e sistema nervioso central. (SNC) Hopi ta experimenta cambionan den sensibilidad o ta desaroya dolor sigui pa debilidad muscular cu ta cuminsa den e pia y mannan. E sistema ta desaroya mas mitar di dia o dos siman. Durante e fase aguda (grave) e maleza por ta peligroso pa e bida cu ta desaroya alrededor di un cuarta parti di e musculonan respiratorio y cu ta rekeri ventilacion mecanico.

Algun ta wordo afecta pa e cambionan den e funcion di e sistema nervioso autonomo cu por conduci na anomalía peligroso den e frecuencia cardiaco y presion arterial. E maleza aki auto- inmune ta wordo causa pa e sistema inmunologico di e curpa pa eror y ta ataca e nervionan periférico y ta dañá e mielina isola. Tin biaha e desfuncion inmune ta wordo provoca pa un infeccion..

E ta wordo cualifica como un polineuropatia severo. Tin hende ta experimenta dificultad pa cana, sintomanan doloroso otronan mester di asistencia respiratorio pa un tempo largo.

E virus ZIKA a wordo relaciona cu e síndrome
Continuacion pag. 30

Noticia di polis.....

Casnan bandona na candela a forma menaza pa otro casnan den Village

Diamars, pa mas of menos 4'or y 10 di anochi, Central di Polis ta dirigi patruya di San Nicolas pa Santo Domingo Bar, cu aparentemente lo mester tabata na candela. Eynan a bin resulta cu no ta asina.

Polis a nota cu e casnan bashi cerca di Honey Zone bar tabata full bao di candela. Brandweer tambe tabata na e sitio. Mirando cu algun cas tabata banda di e candela, e habitantenan di e casnan aki a wordo evacua pa personal di brandweer. Un rato despues dos auto di brandweer a yega na e sitio caminda

cu nan a logra paga e candela. E habitantenan di Jansteenstraat a wordo poni na altura pa nan pasa nan anochi otro caminda pa nan propio seguridad. Comisario di polis, hefe di polis uniforme, personal di Elmar, slachtofferhulp y recherche na warda di San Nicolas, tambe tabata na e sitio. Departamento tecnico a wordo poni na altura, pa asina haci investigacion forensico. Debi na e candela, e edificionan den vecindario a sufrí daño. Parti di Rembrandstraat a wordo cera pa trafico door di DOW. Central a wordo poni na altura.

Personal di watersport a topa cu waverunner sin conductor riba lama

Diamars, pa mas of menos 9'or y 22 di mainta, Central di Polis a dirigi strandpolitie na Aruba Watersports, den cuadro cu un waverunner bandona. Eynan a papia cu personal di Aruba Watersport, kende a declara cu riba diadomingo E., di un otro compania di deporte acuatico, a trece e waverunner.

Segun E., el a topa e waverunner un caminda riba lama y a dicidi di trece canto. Polis a mira cu e waverunner tabata sin motor y tabata mita den awa y mi ta riba beach.

E waverunner no tabata tin un a-nummer of nomber di un compania. E. a wordo yama pa central, caminda cu el a declara cu e no sa di ken e waverunner ta y cu solamente el a trece aden door cu el a tope riba lama.


Durante investigacion a haya un tip cu e waverunner supuestamente ta di un compania di deporte acuatico na Tamarijn. A bay na dicho watersport y a bin resulta cu en berdad esaki ta e caso.

E homber B. a declara cu lo tuma contacto cu doño di e compania, pa asina busca e waverunner. Central di Polis a wordo poni na altura.

Un biaha mas Departamento di Asuntonan Social a ricibi bishita di ladron

Diamars, pa mas of menos 8'or y 7 di mainta, Central di Polis a dirigi patruya na Departamento di Asuntonan Social, situa den Caya Mario E. Harms, den cuadro cu un ladronia. Eynan polis a papia cu e directora suplente, kende a declara cu dialuna, rond di 6'or di atardi, nan a laga e edificio na lock y intacto. Diamars mainta, den careda di 6'or

y mey, e werksternan a bin na e sitio y a nota cu desconocidonan a bolbe kibra e mashin di koffie. A bay sigui controla y por a mira cu un bentana na di dos piso a wordo kibra pa drenta paden. Nan lo bay sigui controla pa mira si falta mas cos y un lista lo wordo entrega. Kehó di ladronia a wordo tuma y Central di polis a wordo poni na altura.

Servicio Rapido
Mario's Septic Service
560-3500 / 565-4477




PROFESIONAL DEN DRECHA AUTO


(Bo motor di auto ta keinta ??)

Ta asegura servicio profesional y rapido! Bo auto no ta coriendo?

Ki bo ta warda pa yama awor! Y nos ta pone core pa bo awe mes!. Call :5694343

Bo auto su motor ta keinta?
Descuento special riba servicio di cambia head gasget.

Call 569-4343 awor!



***Permanent
Make Up?***
***Dilailah
Beauty Clinic***
Tel: 856-7272

Permanent Make-Up

E solucion pa bo cejanan

- *Cejasnan dañá of mal forma*
- *Esnan cu no tin cejas*
- *Cejasnan cu eolornan cora, biña, berde etc.*
- *Tambe eyeliner y liptiner*

*Nos tin e solucion pa bo.
Cada servicio ta den forma personaliza .
Sin dolor y no ta hincha den un ambiente relajante.
Mas di 15 año di experiencia .*

*Tambe nos ta drecha cejanan cu :
Waxing, pincet y blade den forma unico,
Cu ta cuadra cu bo cara.
Yama awe mes na 730-3327 /586-7272 nos ta wardabo
cu un sonrisa. Consulta ta gratis.
Na: Dilailah Beauty Clinic
Noord # 82 den Centro Comercial Noord
patras di Botica Noord*

BOTICANA WARDARDA

13 Februari - 20 Februari

Mediq Botica Oduber
Botica San Nicolas

Rooster di dokter na Warda IMSAN pa luna di Februari 2016

| | |
|------------------|------------------|
| MA 01 DE CUBA | MA 22 LINDEN V/D |
| DI 02 EVERY | DI 23 LUCHMUN |
| WO 03 GIEL | WO 24 RAMAUTAR |
| DO 04 LINDEN V/D | DO 25 TROMP |
| VR 05 LUCHMUN | VR 26 VIS |

| | |
|------------------------------------|-------------|
| MA 08 BODERIE (CarnavalMaandag) | MA 29 WEVER |
| DI 09 RAMAUTAR | DI -- |
| WO 10 TROMP | WO -- |
| DO 11 VIS | DO -- |
| VR 12 WEVER | VR - |

MA 15 BODERIE
DI 16 BRITT-CROES
WO 17 de CUBA
DO 18 EVERY
VR 19 GIEL

WEEKENDDIENST

06 FEBRUARI (GRAND PARADE SN)
BRITT-CROES
07 FEBRUARI (GRAND PARADE PLAYA)
LINDEN V/D
13 – 14 FEBRUARI TROMP
20 – 21 FEBRUARI VIS
27 – 28 FEBRUARI WEVER

Numbernan di Emergencia:

| | |
|---------------------------|----------|
| Central di Brandweer | 911 |
| Polis | 100 |
| Sanicolas | 104 |
| Sta Cruz | 105 |
| Oranjestad | 102 |
| Shaba | 107 |
| Tip Line | 11141 |
| Hospitaal | 527-4000 |
| Centro Medico San Nicolas | 524-8833 |
| Ambulance | |
| Wayaca | 582-1234 |
| Sanicolas | 584-5050 |



COMISION SPERANZA PA NOS ATLETA

'BAN UNI Y JUDA ECHI'

TORNEO DI SOFTBALL

SCHEDULE 18 - 22 FEB 2016

VELD DI KUDAWECHA

| # | Fecha | Hora | Tereno | Pool | Home Team | vs | Visitors | Dia |
|----|----------|---------|---------|------|---------------------|----|------------------------|------------|
| 1 | 18/02/16 | 07:00pm | K'wecha | | Sel.Mascul A | vs | Sel Masc B | Diahuebs |
| 2 | 18/02/16 | 08:45pm | K'wecha | | Sputters | vs | Piratas | Diahuebs |
| 3 | 18/02/16 | 10:30pm | K'wecha | | Underground | vs | Final Touch | Diahuebs |
| 4 | 19/02/16 | 07:00pm | K'wecha | | Bad Boys | vs | Kudawecha Indians | Diabierna |
| 5 | 19/02/16 | 08:45pm | K'wecha | | Quisqueya | vs | Criyoyo Reds | Diabierna |
| 6 | 19/02/16 | 10:30pm | K'wecha | | Balashi Premuim | vs | Macuarima | Diabierna |
| 7 | 20/02/16 | 01:00pm | K'wecha | | Kibaima 50+ | vs | Sunrise 50+ | Diasabra |
| 8 | 20/02/16 | 02:45pm | K'wecha | | Happy Family 40+ | vs | Kibaima 40+ | Diasabra |
| 9 | 20/02/16 | 04:30pm | K'wecha | | Kibaima Youngbloods | vs | Crush Power | Diasabra |
| 10 | 20/02/16 | 06:30pm | K'wecha | | Legend | vs | Los Amigos | Diasabra |
| 11 | 20/02/16 | 08:15pm | K'wecha | | Royal Power Dynasty | vs | Royal Power Jongbloods | Diasabra |
| 12 | 21/02/16 | 10:00am | K'wecha | | Cristal Casino | vs | Destroyers Aruba | Diadomingo |
| 13 | 21/02/16 | 11:45am | K'wecha | | Salo Park | vs | Left Overs | Diadomingo |
| 14 | 21/02/16 | 01:30pm | K'wecha | | Warriors | vs | Cheezy Boys | Diadomingo |
| 15 | 21/02/16 | 03:15pm | K'wecha | | Sluggers | vs | Redskins | Diadomingo |
| 16 | 21/02/16 | 05:15pm | K'wecha | | Splash | vs | Sweet Devils | Diadomingo |



IMPLEMENTACION DI E LEY DI Pensioen (LAP) DI 2012 A KEDA CORECTAMENTE EHECUTA DEN COMERCIO: SINEMBARGO TIN ALGUN PUNTO CU MESTER DI MEHORACION!



Crea un pensioen ta realmente percursa pa un entrada despues cu bo stop di traha of den caso cu bo fayece prematuro. Pesey a introduci e ley di pensioen (LAP) na 2012. E ley aki ta encera cu ta crea un pensioen pa cada empleado, cu gradualmente lo subi te 6% di e salario. E dunado di trabou ta contribui cu minimal mitar di esaki.

E LAP ta pa tur hende un manera economico pa crea un entrada pa despues. No solamente cu e dunado di trabou ta aporta cu un suma grandi na e pensioen aki, sino cu e primanan deposita ta liber di impuesto! Banda di esaki e companianan di seguro di pensioen, ta ofrece tambe e posibilidad pa deposita di forma adicional.

E dunado di trabao y e trahado ta construi hunto na e pensioen aki. Desde 2014 a keda stipula cu e prima ta minimal 6% di e salario. Ta construi na e pensioen te ora e trahado yega edad di pensioen. Desde Januari 2015 a hisa edad di pensioen cu cada bes 6 luna pa aña. Na 2024 e edad di pensioen lo ta 65 aña.

E ultimo añanan, cada un di e companianan di seguro di pensioen riba nan mes, a traha duro na implementacion di

e ley di pensioen den e empresanan. Despues di mas di 3 aña cu a introduci e ley di pensioen, IAA (Insurance Association of Aruba) a dicidi pa evalua introduccion di LAP pa asina por guia e efecto di e ley di un mihor forma.

Spot check

Pa e motibo aki, IAA a realiza un tipo di "spot check" of un sondeo di forma arbitrario. Di e spot check aki a sali na cla cu e ley a keda bon implementa, pero cu realmente tin puntonan cu mester mehoracion.

E ultimo añanan companianan di seguro di pensioen, a traha di forma intensivo cu comercio pa aplica e ley mas corecto posibel. E esfuersonan aki sigur no tabata envano. Practicamente tur compania a ehecuta e LAP di forma ordena y husto dentro di nan compania.

Den nomber di IAA nos kier a enfatisa un bes mas cu implementacion di LAP ta un obligacion legal. Companianan cu no a regla esaki, por haya un boet considerabel.

Yamada pa tur compania cu ainda no a introduci e ley di LAP:

"NO WARDA MAS LARGO. PREVENI PROBLEMA Y TUMA

CONTACTO DIRECTO CU UN DI E COMPANIANAN DI SEGURO DI Pensioen PA IMPLEMENTA LAP INMEDIATAMENTE."

Informacion

For di e "spot check" a sali na cla tambe cu diferente compania no ta up to date cu nan informacion relaciona cu nan datonan di personal. Basa riba e datonan di personal ta calcula e primanan y ta segura e trahadonan. Pesey ta imperativo cu e compania di seguro di pensioen tin e datonan corecto.

Pa tur compania ta conta:

- 1) Empleadonan nobo di 18 aña pariba, mester wordo notifica cerca e compania di seguro di pensioen asina cu nan drenta servicio despues di nan periodo di prueba (2 luna).
- 2) Den caso cu empleadonan termina nan servicio, esaki tambe mester wordo notifica inmediatamente.
- 3) Cambionan den salario mester wordo notifica di biaha tambe.

"BO NO TA SIGUR SI BO COMPANIA TA UP TO DATE CU SU INFORMACION? TUMA CONTACTO DI BIAHA CU BO SEGURO DI Pensioen Y CHECK DI BIAHA TUR

TA BENDE TOYOTA YARIS 2010

very low mileage

Toyota Yaris 2010 automatic y cu airco friu. Full Equipped, Leather seats. Den super bon condicion paden y pafor. Color cora. Price : Awg 14999 (not negociabel)

Yama awor : 569-4343

E DATONAN. PREVENI NAHEFFING FASTIOSO: TENE BO SEGURO DI Pensioen BON NA HALTURA Pensioen BON NA HALTURA DI E CAMBIONAN DEN BO DATONAN DI PERSONAL."

Pagonan

Finalmente a sali na cla tambe for di e spot check, cu no ta tur compania ta up to date cu nan pagonan. Ta hopi importante cu companianan paga nan primanan di pensioen na tempo na e companianan di seguro di pensioen. Di e forma aki e pensioennan ta wordo proteha di forma sigur. Imagina un compania bati bancarota, esey e ora lo por tin consecucionan desbentahoso pa e pensioennan.

Pesey percursa pa bo efectua pago di e primanan di pensioen na tempo. Den caso cu un compania cay atras cu pago pa mas cu 3 luna, e compania di seguro di pensioen ta obliga pa informa e trahadonan di esaki. Den caso cu e primanan no wordo paga, e polisanan ta wordo converti liber di prima.

Yamada na tur compania:

"PERCURA PA PAGA E PRIMANAN DI Pensioen NA TEMPO CERCA E COMPANIA DI SEGURO DI Pensioen PA GARANTIZA E PensioenAN DI E TRAHADONAN."

Aki tambe ta conta cu companianan cu tin pregunta pa loke ta trata pago di e primanan, pa tuma contacto inmediato

cu nan compania di seguro di pensioen.

Naturalmente por pasa cu tin compania of trahado cu por tin otro pregunta cu por ehempel no ta tocante datonan di personal o primanan di pensioen. Kico pa haci ora cambia di dunado di trabou, con pa anda cu esnan cu ta gana comision o cu empleadonan cu ta traha oranan varia.

Den caso asina, tuma contacto cu bo compania di seguro di pensioen.

Despues di mas di 3 aña cu a introduci e ley di pensioen, nos por conclui cu e empresanan na Aruba a implementa e ley di bon forma, pero tabata cla tambe cu tin algun parti, manera administracion y pago, cu mester di extra atencion.

Riba iniciativa di IAA lo pone extra atencion den e proximo lunanan na e ley di pensioen. Pa medio di anuncianan den corant, spotnan na radio y facebook posts, empresanan y nan trahadonan lo wordo informa riba implementacion di e ley di pensioen.

Pa tur empresa y pa tur trahado ta conta naturalmente cu si nan tin pregunta, cu nan por acudi na nan compania di seguro di pensioen.

Pa mas informacion bishita e website di IAA na www.iaaruba.org y ricibi tur e updates tocante pensioen riba bo Facebook door di klik "Like" riba e Facebook page di IAA na www.facebook.com/iaaruba.org

BACKHOE & BOBCAT SERVICES

**Lanta sushi, rosa
tereno,
Coba pos
pa fundeshi, santo
y
piedra
Pa mas info yama
593-5050 of
592-1116**

TA BENDE

**BBQ Grill Crioyo y Duradero
made in Aruba, a Afls. 250,-
Inf. 593-8182**

PALO DI BANDERA

**GALVINIZA 6 METER
GEVERF, CABUYA Y CATROL
CLA PA INSTALA**

AFLS.295,--

PA MAS INFO TEL: 594-9596

Partido ABO:

750 miyon pa e 'Caminda Scur', pero ni un cen pa e situacion di KIA



Weekend pasa, gobierno a hay'e ta bon pa informa pueblo cu e lo cuminsa asfalta e 'Caminda Scur'. Otro prueba di ansha pa haya atencion. Asfalta un caminda miyonario cu no tin un 'betonband' pa proteha e caminda ora awasero cay, no ta logico. Of kisas esaki ta un otro triki di crea 'meerwerk' p'asina chica mas placa di pueblo. Manera a pasa cu e famoso proyecto di Tram den caya grandi.

Ta akinan caminda nos di partido ABO, kier ilustra e contraste entre realidad y fantasia. Of miho, con gobierno tin su prioridadhan robes. Diahuebs, e minister di Husticia ta informa con malo e situacion di e edificio di KIA ta y cu e no ta sirbi mas. Tambe e minister a papia di e 'limitacionnan' cu ta strob'e haci un miho trabou. Riba e presupuesto 2016 tin AWG. 18.705.900 destina pa KIA, di cual casi 15 miyon ta bay na gastonan di personal. No tin nada presupuesta pa un edificio nobo of un expansion di KIA. Tampoco por haya e fondonan pa esaki,

riba e presupuesto di DOW (AWG. 51.340.900). Straño cu e minister ta papia cu e edificio di KIA no ta sirbi, pero niun caminda den presupuesto tin fondonan reserva pa soluciona esaki.

Durante siman, corte di apelacion a declara algun cuidado di preso liber, pa entre otro e situacion malo na KIA. E asunto di KIA, no ta un asunto di siman pasa. E ta un asunto di añanan largo y te ainda nada ta wordo haci pa mehora e situacion peligroso aki. KIA ta haya solamente atencion, ora un preso huy, algun preso subi dak of ora un sindicalista bay media. Mientrastanto e situacion deplorabel na KIA, a haci cu KIA a bira un otro peliger pa e sociedad. Cada dia no solamente mas preso ta wordo cera den KIA, pero tambe e tipo di preso awendia ta mas agresivo, violento y peligroso. Pero asina mes, nada ta wordo haci pa aumenta e capacidad of mehora KIA.

Sin duda, pueblo tin cu haci su mes e pregunta

si ta intencionalmente gobierno kier laga e situacion na KIA bay for di man. A pesar cu ultimo tempo e agresividad bou di e criminalnan local a aumenta, e mayoria di e criminalnan peligroso ta bini for di exterior. Esaki ta e consecuencia di duna tur sorto di hende permiso pa bin traha of establece nan mes na Aruba. Nos di partido ABO tin hopi comprension y duele pa polis y ciudadonan di preso, cu ta mira cada dia nan trabou bira mas pisa y peligroso, pasobra algun politico kier ta populista. E ta manera 'dweilen met de kraan open'.

Un dicho ta bisa cu macaco ta hunga cu su yiu te ora e saca su wowo. Wel, aki no ta trata di wowo di macaco. Aki ta trata di bida di hende y siguridad di un sociedad. Manera gobierno a haci hopi hende mudo y sordo caba pa e realidad, kisas esaki tambe ta su intencion pa haci pueblo ciego. Asina pueblo lo no wak e cantidad di abuso cu ta wordo comete contra dje tur dia. Nos di partido ABO ta urgi gobierno, cu net manera e por haya placa pa tur otro cos cu ta beneficia solamente un grupito, pone e fondonan necesario 'per direct' pa un edificio nobo pa KIA. Tambe pone mas fondo disponibel pa combati e inseguridad cu gobierno mes ta stimula y stop di duna permiso na tur extranjeru pa loco. Nos ta sigur cu pueblo lo kier bay un 'tiki mas den rood' pa combati inseguridad y sinti su mes sigur, enbes di bay hopi 'rood' pa un 'Caminda Scur' di 750 miyon florin cu no tabata tin necesidad of prioridad!

Continuacion pag. 25

GUILLAIN-BARRE.

Atrobe mi ta para keto un rato y observa cu no tin un estudio haci pa combati e virus aki y keto bay e ser humano ta cana ciego sin mira e berdad den nan propio bida. NO KERE AMI LESA E BIJBEL Y MIRA KEN TA PAPIA BERDAD. Dios ta permiti enfermedadnan y otro malezanan pa logra Su proposito. Soberano, pa duna Gloria na SU MES i exalta SU SANTO NOMBER. Hopi ta sigui biba den pica y ta lubida cu Dios sa tur cos E tin tur Poder. (Maleza ta bin door di pica y desobediencia). Tin biaha e ta sana milagrosamente. Pensa e tempo di Hesus cu tabata cana atraves di Israel sanando tur clase di enfermedad o maleza incurabel. Lesa esaki den Mateo 4:23 Corda e storia unda Hesus a lanta Lazaro for di morto. Aki atrobe por mira con Dios ta usa enfermedadnan como metodo di disciplina o como un huicio contra pica.

2 Cronica 26:19-20 Testament Antiguo unda e Rey Usias a wordo ataca cu lepra. Hechos 12:21-23 Herodes a wordo deriba y bichinan a come pasobra e kier a tuma e Gloria di Dios pa su mes. Ainda tin un caso unda Dios a permiti e maleza di seguera (ciego) no manera un castigo sino pa revela E mes y Su poderoso obranan atraves di ta ciego.

Les a esey den Juan 9:1-3. Asina ta tur padicimento, enfermedad o maleza ta permiti pa Dios pa Su proposicionan ya sea cu nos por comprende o no. E ta keda un misterio. E enfermedad ta ciertamente e resultado di e caida di e ser humano den pica, pero Dios ta totalmente den control. E ta determina ki leu e enfermedad por yega. Corda e storia di Job.

Tur loke mi a skirbi ta un alerta no pa spanta ningun hende simplemente pa habri wowo e ta un aviso o mensahe pa nos tur. No keda ciego y laga tur cos pasa bay. Corda e ladron ta bin anochi pa mata, horta y destrui. Juan 10:10 SEA ALERTA.



Recordando fecha natal di

sra. Laura Simona Wernet-Paskel

mihor conoci como "juffrouw Laura"

18 Februari 1911 – 8 September 1962


Ultimo frase di Laura su manuscrito:

"Wat moet ons eilandje een paradijsje zijn geweest, waar men niet bang hoefde te zijn vandaag

of morgen uit verdreven te worden."

Invitacion

Ta invita un y tur pa asisti na un Santo Sacrificio di misa cual lo tuma lugar awe dia 18 Februari 2016 pa 7'or di anochi na misa Inmaculada Concepcion na Santa Cruz.



O goede Moeder, onze lieve vrouw ter noord, wij geloven in uw zorg en medeleven en uw voorspraak bij Jezus uw zoon. Daarom komen wij vol vertrouwen tot U en wij vragen U: bevrijd ons van onrust en angst: verlicht ons in pijn en verdriet: en wil vooral aan Jezus vragen.....(Hier de intentie noemen). Geef ons hoop waar wij het niet meer zien zitten; geef ons kracht als wij er niet tegenop kunnen; geef ons licht waar het donker is en geef ons overgave aan de wil van de vader; Maria bescherm ons en onze dierbaren en leid ons veilig naar Jezus, uw zoon

AMEN.

Orange matrassen

Olijfstraat 23D

TEL; 588-7468 / 592-3344

Nos tin tur size di matrassen y box
Nos ta fura matrassen - box- set
di sala- set di comedor-TV Chair.

Pa bo drumi dushi

TRAPPERS CLUB

- Fiesta, reunion, ricibimento, bruid, fiesta grandi o chikito. - Workshop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala cu 3 airco cu ta acomoda te cu 400 persona - Area openlucht cu stage, pa festival, iglesia, fiesta familiar
- Situa pariba di Botica Central, pabao di veld di Rockets @ Sta Cruz 748-8280

Ladronnan a hera bay cu auto for di cas

Diamars, pa mas of menos 10'or y mey di mainta, Central a dirigi patruya na Hooiberg pa un ladroncia. Eynan a papia cu e dama M., kende a declara cu dialuna, pa 11'or di anochi, tabata e ultimo biaha cu el a wak su auto na lock

y intacto, cu ta auto, un Nissan Frontier, color berde. Rond di 10'or di mainta, el a mira cu desconocidonan a kibra drenta su auto y a destrosa e contact. Segun M. desconocidonan no a bay cu nada di e auto. Keho a wordo tuma.



Oracion di Dia

Awe Señor ta mostra nos den Su Palabra cu e goso mas grandi den nos bida ta ora nos ta confia plenamente den Dios. Cu nos por descubri cu nos tin un Dios cu por haci tur cos y cu kico cu nos pidi Dios cu ta bon pa nos E ta duna nos. Cu Dios tey tur momento pa nos 24/7. Semper E tey cu su brazanan habri cla pa consola nos y yuda nos. Ta nos mester buske. Pone tempo pa Dios. Cu nos mester reconoce cu Dios su amor y misericordia ta eterno, nunca e no ta caba. Su fieldad ta inmenso.

Y e regla di oro ta cu nos mester trata tur hende manera nos kier wordo tratá.

Amen

Invitacion

Recordando e di 1er lustro (5 aña) di fayecimento di

Sylvia Gumersinda "Sinda" Croes



19-02-2011 - 19-02-2016

Di parti di su mama Sra. vda. Shon Marie Croes

su rumanan y cuñanan

su yiunan y nietonan

Na pro-catedral San Francisco de Asis na Playa diabierna 19 Februari pa 7or di anochi. Nos ta invita famianan, conocirnan, amistadnan y bisifianan.

Boso presencia lo ta altamente aprecia

Pasashinan ta bayendo na mitar prijs!

Locura total pa campaña di Valentine's Day di Aruba Airlines

Bis'e cuanto bo ta stim'e, afo bo ta hib'e



Siendo un di e celebracionnan cu semper ta bay compaña cu regalo, Aruba Airlines e aña aki a lanza un campaña specialmente pa Valentine's Day. Pa por promove mas viahamento, a duna 50% di descuento riba pasashinan, haciendo cu parehanan lo por biaha hunto pero pagando pa un solo pasashi. Hopi hende a probecha di e descuento aki y como tal, hopi pareha e aña aki a ricibi un pasashi regalo hunto cu nan bouquet di flor riba dia di amor y amistad.

Cu e promocion aki Aruba Airlines ta permiti biaheronan pa biaha entre 12 pa 29 di Februari 2016 pa cualkier di su destinacionnan, cu ta varia entre Miami, Panama, Corsou, Santo Domingo, Maracaibo y Valencia. E campaña a inicia diabierna ultimo dia 12 di Februari y lo ta valido te cu diabierna awor dia 19 di Februari 2016. Pa por

haya e tarifanan special aki, mester cumpra e pasashinan sea na e oficina principal di Aruba Airlines situa na Cumana of na nan oficina di venta na Aeropuerto. Tene cuenta cu tarifanan no ta inclui airport tax.

A funda Aruba Airlines dia 31 di Januari 2006 pero a realiza su prome vuelo dia 31 di Mei 2013. E compania Arubiano tin su oficina principal situa na Cumana 69 aki na Aruba pero cu oficinanan di representacion na Panama, Miami, Venezuela, Corsou y Santo Domingo. Aruba Airlines ta bula cu avionnan nobo y moderno, Airbus A 320-200 cu un capacidad di 150 pasahero, parti den 12 pasahero Business Class y 138 den Economy Class. Nan tin un total di 300 empleado staciona na tur nan oficinanan den tur nan mercadonan. Na Aruba so tin 139 empleado den servicio directo.

PRONOSTICO DI TEMPO VALIDO TE DIAHUEBS 18 DI FEBRUARI 2016

COMPILA: DIARANSON 17 DI FEBRUARI 2016 17:00 (21:00 UTC)

ALERTA: BIENTO LO SUPLA DE BES EN CUANDO KU FORSA DURO TE HOPI DURO DEN RAFAGA

TEMPO: DIARANSON ANOCHI: LEVEMENTE NUBLA Y SECO; VISIBILIDAD LO TA UN POCO REDUCI PA STOF DI SAHARA

DIAHUEBS: LEVEMENTE TE PARCIALMENTE NUBLA Y SECO; VISIBILIDAD LO TA UN POCO REDUCI PA STOF DI SAHARA.

TEMPERATURA MAXIMO 31 GRADO CELSIUS Y TEMPERATURA MINIMO 26 GRADO CELSIUS.

SOLO LO BAHAWA NOCHI 06:47 PM Y LO SALI MAYAN MAINTA 07:01 AM.

BIENTO: FOR DI DIRECCION OOST Y MODERA TE BASTA FUERTE; FORSA 4 TE 5 (20 TE 39 KM/ORA, 11 TE 21 NUDO)

FUERTE TE DURO, DE BES EN CUANDO TE HOPI DURO DEN RAFAGA; FORSA 6 TE 8 (40 TE 64 KM/ORA, 22 TE 35 NUDO)

SITUACION GENERAL DI TEMPO:

EXTENCION DI UN AREA DI PRESHON HALTU RIBA ATLANTICO KETU BAI TA DOMINANDO WEER DEN REGION

MANTENIENDO ESAKI GENERALMENTE SECO. PA E MOTIBO AKI NO TA SPERA YOBIDA DI IMPORTANCIA DEN

PROXIMO 24 ORA. MAS ALEU, DIFERENCIA DI PRESION DI AIRE DEN CARIBE TA SIGUI TA FUERTE Y TA

SOSTENIENDO UN BIENTO FUERTE TE DURO, TIN BES HOPI DURO DEN RAFAGA DEN REGION LOCAL. STOF

FINI FOR DI SAHARA LO SIGUI LIMITA VISIBILIDAD UN POCO DEN PROXIMO 24 ORA.

CONDICION DI LAMA: OLANAN DI LAMA LO TA FOR DI DIRECCION OOST CU HALTURA DI 5 TE 9 PIA

TEMPERATURA DI SUPERFICIE DI LAMA 26 GRADO CELSIUS.

OPERADORNAN DI BOTO CHIKITO MESTER TENE CUENTA CU E BIENTO HOPI DURO

DEN RAFAGA LO CAUSA LAMA LOCALMENTE BRUTU.

REGISTRACION DI TEMPERATURA (CELSIUS) Y AWACERO (MM) DEN ULTIMO 24 ORA:

AIRPORT MAX 31 / MIN 26 / 0.0

HADICURARI MAX 28 / MIN 25 / 0.0

E PROXIMO BULLETIN LO WORDO PUBLICA DIAHUEBS 18 DI FEBRUARI 2016 17:00 (21:00 UTC)

ESTRELLA ta bolbe gana RCA 2-1 y asina posiciona su mes na prome lugar hunto cu RCA cu 27 punto



Diarazon e team di Aspirant Mayor di Estrella a enfrenta e fuerte equipo di RCA.

Prome cu ewega aki RCA tabata comanda e tabla di posicion cu 27 punto y Estrella na di segundo lugar cu 24 punto pero cu 1 wega menos hunga. Den promer round Estrella na cas a gana RCA 3-1. Esey a pone cu RCA a bin pa saca un clabo y cu e ventaha cu e wega aki lo ta den nan cas na Solito. Estrella Mayor ta bao di encargo di Kenrick "Bradshaw" Lopez cu a prepara su muchanan tremendamente

henter e campeonato aki.

Den e wega aki ESTRELLA ta bolbe gana RCA 2-1 y asina posiciona su mes na prome lugar hunto cu RCA cu 27 punto, pero ainda cu un wega menos hunga.

Golnan a wordo anota pa e talentonan naranjada Denrick Lopez y Darwin Franken.

Pabien muchanan cu e victoria y awor rumbo pa play-off.

Estrella cultivando talent!



**Club Trappers,
pa tur ocasion!**

748-8280

**Club ta airco,
comodo pa
cualquier evento**